

GRAD SARAJEVO

Gradonačelnik

Na osnovu članova 7. i 9. Zakona o ministarskim i vladinim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), članova 45. i 46. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16), člana 76. Statuta Grada Sarajeva - Prečišćeni tekst ("Službene novine Kantona Sarajevo", broj 34/08), te članova 16. i 17. Odluke o osnivanju Pravobranilaštva Grada Sarajeva ("Službene novine Kantona Sarajevo", broj 20/10, 30/15 i 12/17), gradonačelnik Grada Sarajeva donosi

ODLUKU

O STANDARDIMA I KRITERIJIMA ZA IMENOVANJE
PRAVOBRANIOCA I ZAMJENIKA PRAVOBRANIOCA
PRAVOBRANILAŠTVA GRADA SARAJEVA

Član 1.

Ovom odlukom utvrđuju se standardi i kriteriji za imenovanje pravobranioaca i zamjenika pravobranioaca Pravobranilaštva Grada Sarajeva.

Član 2.

Kandidati za pravobranioaca i zamjenika pravobranioaca Pravobranilaštva Grada Sarajeva moraju ispunjavati slijedeće opće uslove:

- da su državljani BiH,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objave upražnjene pozicije,
- da se na njih ne odnosi član IX 1. Ustava Bosne i Hercegovine,
- da nisu na funkciji u političkoj stranci.

Član 3.

Pored navedenih općih uslova, kandidati za pravobranioaca i zamjenika pravobranioaca Pravobranilaštva Grada Sarajeva moraju da ispunjavaju i slijedeće posebne uslove:

- da je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja,
- da ima položen pravosudni ispit,
- da ima iskustvo u radu na imovinsko-pravnim poslovima u pravobranilaštvu ili pravosudnim organima ili drugim državnim organima ili preduzećima ili drugim pravnim licima u trajanju od tri (3) godine, nakon položenog pravosudnog ispita,
- da posjeduju najviše moralne osobine za obavljanje službe pravobranilaštva.

Član 4.

Prilikom imenovanja pravobranioaca i/ili zamjenika pravobranioaca Pravobranilaštva Grada Sarajeva, prednost će imati kandidati koji:

- imaju položen specijalistički ispit i to advokatski ili sudijski ili notarski ispit,
- su dobitnici priznanja,
- imaju iskustvo u više pravnih oblasti,
- su postigli uspješne rezultate tokom karijere i druge okolnosti relevantne za obavljanje službe pravobranilaštva.

Član 5.

Oglas za upražnjenu poziciju pravobranioaca i/ili zamjenika pravobranioaca Pravobranilaštva Grada Sarajeva u skladu sa kriterijima ove Odluke, na prijedlog gradonačelnika objavljuje Komisija za izbor i imenovanja u "Službenim novinama Federacije BiH" i jednom dnevnom listu većeg tiraža.

Oglas za upražnjenu poziciju pravobranioaca i/ili zamjenika pravobranioaca Pravobranilaštva Grada Sarajeva treba da sadrži:

- opis upražnjene pozicije,
- opće uslove koje treba da ispunjavaju kandidati,
- posebne uslove koje treba da ispunjavaju kandidati,
- poželjne uslove koje treba da ispunjavaju kandidati,
- spisak potrebne dokumentacije,
- način, mjesto i rok podnošenja prijava.

Oglas za upražnjenom položaju treba biti dovoljno detaljan kako bi kandidatima dao cjelovitu informaciju o ulozi koju treba obavljati, naknadi, uvjetima službe i dužini trajanja imenovanja, te mogućnosti ponovnog imenovanja.

Član 6.

Komisija za izbor i imenovanja provodi konkursnu proceduru izbora i imenovanja upražnjene pozicije pravobranioaca i/ili zamjenika pravobranioaca Pravobranilaštva Grada Sarajeva.

Član 7.

Komisija za izbor i imenovanja pregledat će sve prijave koje stignu u propisanom roku.

Na osnovu ove Odluke kao i principa iz člana 3. Zakona o ministarskim vladinim i drugim imenovanjima, Komisija će sastaviti listu s užim izborom najboljih kandidata koji ispunjavaju kriterije za imenovanje i sve ih pozvati na intervju.

Nijedan kandidat neće biti stavljen na listu s užim izborom ukoliko mu je prijava neblagovremena ili nepotpuna ili nije povoljno ocijenjen prema kriterijima iz ove Odluke.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Tokom intervjua, komisija za izbor će osigurati slijedeće:

- da su svi kandidati u potpunosti upoznati sa standardom osobnog integriteta koji se traže za osobe imenovane na javnu poziciju;
- da su pitanja o sukobu interesa objašnjena i razmotrena detaljno sa svim kandidatima,
- da su svi kandidati u potpunosti informirani o pravu javnosti i da mogu uložiti prigovor protiv imenovanja koje se razmatra.

Sve odluke koje potiču sa intervjua, uključujući i one sa odbijenicom, dokumentuju se i arhiviraju.

Član 8.

Nakon obavljenog intervjua, Komisija za izbor i imenovanja će putem pisane preporuke predložiti i dostaviti gradonačelniku rang-listu sa najboljim kandidatima (lista uspješnih kandidata) na daljnje razmatranje odnosno konačni izbor prijedloga kandidata za imenovanje na poziciju pravobranioaca i/ili zamjenika pravobranioaca Pravobranilaštva Grada Sarajeva.

Član 9.

Prijedlog kandidata za imenovanje na poziciju pravobranioaca i/ili zamjenika Pravobranilaštva Grada Sarajeva, gradonačelnik dostavlja Gradskom vijeću.

Gradsko vijeće nakon razmatranja prijedloga imenovanja, donosi odluku o konačnom imenovanju.

Član 10.

Konačno imenovanje pravobranioaca i/ili zamjenika pravobranioaca Pravobranilaštva Grada Sarajeva od strane Gradskog vijeća, objavljuje se u "Službenim novinama Kantona Sarajevo".

Član 11.

Kandidat kao zainteresovana stranka ima pravo podnošenja prigovora na konačno imenovanje.

Prigovor se podnosi Gradskom vijeću Grada Sarajeva, a kopija se dostavlja Ombudsmenu za ljudska prava Bosne i Hercegovine.

Gradsko vijeće Grada Sarajeva odnosno Komisija za izbor i imenovanja ili druga radna tijela Gradskog vijeća Grada Sarajeva dostavljaju Ombudsmenu za ljudska prava Bosne i Hercegovine pisani odgovor na prigovor u roku od 14 dana od dana kada je prigovor podnesen.

Član 12.

Ova odluka stupa na snagu narednog dana od dana objave u "Službenim novinama Kantona Sarajevo".

Član 13.

Danom stupanja na snagu ove Odluke, prestaje da važi Odluka o standardima i kriterijima za imenovanje Gradskog Pravobranioca broj 13-14-18149 od 08.06.2004. godine, objavljena u "Službenim novinama Kantona Sarajevo", broj 16/04.

Broj 01-05-3696/17
12. jula 2017. godine

Gradonačelnik
Grada Sarajeva
Mr. Abdulah Skaka, s. r.

OPĆINA CENTAR

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 25. Statuta Općine Centar - Prečišćeni tekst ("Službene novine Kantona Sarajevo", br. 23/04), načelnik Općine Centar, dana 23.06.2017. godine, verifikovao je i donio

ODLUKU

O KOREKCIJI REGULACIONOG PLANA "BREKA"
SPORTSKO REKREATIVNI PARK GRDONJ

Član 1.

Usvaja se korekcija Regulacionog plana "BREKA" ("Službene novine Kantona Sarajevo", br. 34/11), u daljem tekstu: korekcija Plana.

Član 2.

Korekcija plana se odnosi na stvaranje planskog za realizaciju sportsko rekreativnog parka Grdonj, rekonstrukciju seizmološke stanice uz zadržavanje postojeće namjene, na zemljištu označenom kao k.č. 1209/1, 1208/1 K.O. Sarajevo V, u vlasništvu Hidrometeorološkog Zavoda BiH. Na predmetnom zemljištu planirana je izgradnja višenamjenskog prostora za sportske aktivnosti (košarka, tenis, mali nogomet) sa tribinama, dječijeg igrališta i urednih pješačkih staza sa urbanim mobilijarom. Na preostalom dijelu predmetnih parcela FHMZ će uraditi novi fenološki vrt koji će koristiti za agroistraživanje klimatskih promjena. Cijeli prostor parka zajedno s objektom FHMZ, planira se ograditi transparentnom ogradom s ulazima.

Postojeći objekat se može rekonstruisati i dograditi zadržavajući postojeću spratnost (P+1), a prema uslovima iz Odluke o provođenju Regulacionog plana "BREKA".

Ukupna površina sportskog parka iznosi 4169 m².

Član 3.

Korekcija Plana sastoji se iz tekstualnog dijela i grafičkog priloga koji su predmet korekcije. Tekstualni dio i grafički prilozi korekcije Plana su sastavni dio Regulacionog plana "BREKA" ("Službenim novinama Kantona Sarajevo", broj 34/11).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "BREKA", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj 07-23-646/16
23. juna 2017. godine

Načelnik Općine Centar
Prof. dr. Nedžad Ajnadžić, s. r.

OPĆINA ILIJAŠ

Općinski načelnik

Na osnovu člana 29. Odluke o izvršavanju budžeta općine Ilijaš za 2017. godinu ("Službene novine Kantona Sarajevo", broj 3/17), a u skladu sa odredbama člana 3. Budžeta općine Ilijaš ("Službene novine Kantona Sarajevo", broj 3/17), te člana 107. Statuta općine Ilijaš - Prečišćeni tekst ("Službene novine Kantona Sarajevo", broj 20/09), Općinski načelnik donosi

ODLUKU

O ODOBRAVANJU UPOTREBE SREDSTAVA
BUDŽETSKE REZERVE IZ BUDŽETA OPĆINE ILIJAŠ
ZA 2017. GODINU

Član 1.

Odobrava se isplata novčanih sredstava u ukupnom iznosu od 3.300,00 /slovima: trihiljadetrizotine/KM na ime poboljšanja uvjeta življenja u postojećem stambenom objektu, a na bazi procjene Službe za saobraćaj, stambeno-komunalne poslove i gradjenje Općine Ilijaš za lice DERVIŠEVIĆ /Murat/ FADILA iz Ilijaša.

Sredstva iz stava 1. će se isplatiti u korist računa korisnika br. 1602008500027088 otvorenog kod banke.

Član 2.

Sredstva iz člana 1. ove Odluke osigurana su Budžetom općine Ilijaš za 2017. godinu, a teretit će budžetsku poziciju "budžetska rezerva", a konačno knjiženje će se izvršiti na budžetsku poziciju "novčana pomoć nezaposlenim licima u stanju socijalne potrebe".

Član 3.

Za realizaciju ove Odluke zadužuje se Služba za privredu, finansije i investicije.

Član 4.

Ova odluka stupa na snagu danom donošenja.

Broj 03/1-23-1631/17
12. jula 2017. godine
Ilijaš

Predlagač:
Pomoćnik načelnika
Aziz Fazlić, s. r.
Općinski načelnik
Akif Fazlić, s. r.

Na osnovu člana IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O MINISTARSKIM, VLADINIM I DRUGIM IMENOVANJIMA FEDERACIJE BOSNE I HERCEGOVINE

Prolašava se Zakon o ministarskim, vladinim i drugim imenovanjima Federacije Bosne i Hercegovine koji je donio Parlament Federacije na sjednici Predstavničkog doma održanoj 24. aprila 2003. godine i na sjednici Doma naroda od 28. maja 2003. godine.

Broj 01-477/03
14. jula 2003. godine
Sarajevo

Predsjednik
Niko Lozančić, s. r.

ZAKON

O MINISTARSKIM, VLADINIM I DRUGIM IMENOVANJIMA FEDERACIJE BOSNE I HERCEGOVINE

Član 1.

Predmet Zakona

1. Ovim zakonom utvrđuje se otvoreni postupak izbora kojim se vrši konačno imenovanje i ponovno imenovanje na pozicije u reguliranim organima definiranim u daljem tekstu.
2. Ovaj zakon primjenjuje se na svim nivoima vlasti u Federaciji Bosne i Hercegovine (u daljem tekstu: Federacija) uključujući kantone, općine i gradove.

Član 2.

Pojmovi

1. U smislu ovog zakona pojmovi u ovom članu imaju sljedeće značenje:
 - 1.1. "Kriteriji za imenovanje" su stepen obrazovanja, stručno znanje/iskustvo i drugi utvrđeni uvjeti za popunjavanje pozicije u reguliranom organu.
 - 1.2. "Sukob interesa" predstavlja situaciju u kojoj lice predloženo za imenovanje, u skladu s odredbama ovog zakona, ima privatni interes u reguliranom organu u koje se predlaže da bude imenovano, a što može imati uticaja na zakonitost, javnost, objektivnost i nepristrasnost u vršenju njegove funkcije u reguliranom organu.
 - 1.3. "Konačno imenovanje" je konačni čin potvrđivanja imenovanja koje vrši lice ili organ (uključujući ministra u vladi, vladu, kantonalne, gradske i općinske organe vlasti) u regulirani organ nakon što je ispoštovan postupak izbora utvrđen ovim zakonom.

1.4. "Otvorena konkurencija" je konkurencija za poziciju u reguliranom organu koja je otvorena za sve koji su kvalifikovani i koja se provodi u skladu sa principima iz člana 3. ovog zakona i postupcima utvrđenim ovim zakonom.

1.5. "Regulirani organ ili organi" (zavisno od konteksta) je:

- (i) organ u kojem vlada, kantonalni, gradski ili općinski organi vlasti imaju pravni interes (uključujući vladine agencije i preduzeća, bez obzira na to da li su u cjelini ili djelimično u vlasništvu vlade, penzijski fondovi i slično);
- (ii) nije obuhvaćen Zakonom o državnoj službi niti je izričito izuzet navedenim zakonima; i
- (iii) u kojem vlada ili vladini organi ili Parlament Federacije odnosno kantonalni, gradski ili općinski organi vlasti prema važećim zakonima, pravilima i propisima imaju zakonito pravo da vrše nominaciju odnosno imenovanje u taj organ.

1.6. "Odgovorni javni službenik" je ministar ili drugo lice ili organ u čijoj je nadležnosti regulirani organ i koji, prema odredbama ovog zakona, ima krajnju odgovornost da osigura da postupak izbora na koji se primjenjuje ovaj zakon bude proveden u skladu sa principima iz člana 3. ovog zakona i postupcima utvrđenim ovim zakonom.

Član 3.

Principi Zakona

1. Konačno imenovanje se ne može izvršiti ukoliko nisu ispoštovani principi utvrđeni ovim članom.

2. Osim ako nisu izričito izuzeti odredbama člana 4. ovog zakona svi postupci imenovanja provode se na način kojim se osigurava poštovanje i primjena sljedećih principa:

(A) Zakonitosti: odgovorni javni službenik osigurava da se sva javna imenovanja vrše na zakonit način i u skladu sa svim važećim pravilima, propisima i zakonima.

(B) Kvalitet: glavni princip kojim se rukovode sva imenovanja je princip izbora na osnovu kvaliteta putem dobro informiranog izbora lica koja po svojim sposobnostima, iskustvu i kvalitetima odgovaraju potrebi reguliranog organa koji je u pitanju.

(C) Nezavisne provjere: sva imenovanja vrše se na način koji omogućava da ih provjerava nezavisna treća strana (uključujući organe i organizacije) koja nije učestvovala u procesu imenovanja.

(D) Otvorenosti i transparentnosti: principi javnosti upravljanja primjenjuju se na proces imenovanja. Funkcioniranje procesa mora biti transparentno i, osim ako informacija nije povjerljiva prema odredbama člana 15. ovog zakona kada je predviđeno ovim zakonom, pojedinosti o imenovanjima u reguliranim organima moraju se obznanimati.

(E) Zastupljenost pri zapošljavanju: odgovorni javni službenik nastoji da osigura da se kod imenovanja na javnu poziciju po pravilu odražava sastav naroda i građana Bosne i Hercegovine.

Član 4.

Izuzeca u primjeni

1. Imenovanja iz st. od 2. do 4. ovog člana nisu obuhvaćena odredbama ovog zakona.
2. Nominacije/imenovanja na kraći period: ovo su nominacije ili imenovanja na najviše dva mjeseca koja se ne mogu ponoviti i za koja ukupna naknada za cijeli period ne iznosi više od 5.000,00 KM.
3. Sticanje radnog iskustva (uključujući programe i planove): ovo je imenovanje čiji je cilj da kandidat stekne radno iskustvo. Vršiti se na najduže šest mjeseci i ne može biti plaćeno, ali se može plaćati naknada putnih i drugih neophodnih troškova. Međutim, ako su troškovi veći od iznosa 500,00 KM mjesečno u periodu pripravništva primjenjuju se odredbe ovog zakona.
4. U svakom slučaju imenovanja na funkciju savjetnika bilo kojem od zvaničnika iz ovog stava, ta imenovanja se izuzimaju od odredbi ovog zakona: članovi Parlamenta Federacije, predsjednik i potpredsjednici, premijer Vlade Federacije, ministri u Vladi, članovi vlade kantona, članovi skupština kantona, članovi općinskih vijeća, načelnici općina i članovi gradskih vijeća i gradonačelnici.

Član 5.

Kandidati koji se ne kvalifikuju

Bilo koje lice koje je na funkciji u političkoj stranci ne može biti konačno imenovano ("kandidati koji se ne kvalifikuju"). Prilikom odbacivanja prijava takvih kandidata odgovorni javni službenik dužan je da jasno kaže da se prijava odbacuje iz razloga što je prijavljeno lice kandidat koji se ne kvalifikuje. Bez obzira na prethodno, kandidat koji se ne kvalifikuje, a koji odstupa s položaja na koji je izabran prije nego što se izvrši konačno imenovanje može se uzeti u obzir za razmatranje za konačno imenovanje u skladu s principima i postupcima utvrđenim u ovom zakonu.

Član 6.

Odgovornost

1. Odgovorni javni službenik ima konačnu odgovornost da osigura da se sva imenovanja izvrše u skladu sa odredbama ovog zakona, kao i da osigura da se nijedno konačno imenovanje u regulirane organe ne izvrši ukoliko nisu primijenjene odredbe ovog zakona.
2. Kada proces imenovanja utvrđen ovim zakonom vrši lice u ime odgovornog javnog službenika, odgovorni javni službenik je odgovoran za nadgledanje postupka i (i) odobrava kriterije za imenovanje i (ii) osigurava da se ovi kriteriji ne mijenjaju kada postupak već započne i (iii) osigurava da svi kandidati koji su mu dostavljeni na potvrdu ispunjavaju kriterije i standarde za imenovanja.
3. Odgovorni javni službenik je dužan da osigura da postupak imenovanja bude adekvatan kako bi se prije konačnog imenovanja kandidata moglo ustanoviti postojanje bilo kakvog sukoba interesa koji bi bio prepreka navedenom imenovanju.
4. Kriteriji za imenovanje na bilo koju poziciju u reguliranom organu moraju biti relevantni i odnositi se na poziciju koja se popunjava, te moraju jasno pokazati da su relevantni za zadovoljavanje potreba reguliranog organa za koji se predlaže imenovanje.

Član 7.

Standardi i kriteriji

1. Svi kandidati za imenovanje u regulirane organe dužni su da ispunjavaju sljedeće opće uvjete:
 - a) da su stariji od 18 godina,
 - b) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
 - c) da se na njih ne odnosi član IX. 1. Ustava Bosne i Hercegovine.
2. Osim ovih općih uvjeta u svrhu određivanja osnove za izbor prema kvalitetu odgovorni javni službenik utvrdit će standarde za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog, što je, prema njegovom mišljenju, neophodno ili poželjno s obzirom na prirodu poslova koje treba obavljati.
3. U izradi kriterija za imenovanje može se zatražiti i uzeti u obzir mišljenje rukovodioca reguliranog organa u koji se vrši navedeno imenovanje o pitanjima kao što su kriteriji za izbor (uključujući stepen obrazovanja, stručno znanje i iskustvo i druge posebne uvjete) za pravilno vršenje funkcije.
4. Prilikom utvrđivanja ili primjene standarda iz st. 2. i 3. ovog člana, odgovorni javni službenik neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, pola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.
5. Odgovorni javni službenik kriterije za imenovanje čuva u evidenciji.
6. Kada postupak imenovanja vrši lice u ime odgovornog javnog službenika, prije objavljivanja oglasa za upražnjenu poziciju odgovorni javni službenik odobrava pisane kriterije za imenovanje.

Član 8.

Oglašavanje upražnjene pozicije

1. Nakon što su odobreni kriteriji za imenovanje oglas za upražnjenu poziciju se obavezno mora objaviti na najefikasniji mogući način. Oglas se mora objaviti najmanje u "Službenim novinama Federacije BiH" i barem u jednom dnevnom listu velikog tiraža s ciljem da bude dostupan najširoj javnosti. Odgovorni javni službenik dužan je čuvati svu evidenciju vezanu za oglašavanje upražnjene pozicije.
2. Oglas za upražnjenu poziciju sadrži:
 - (a) opis upražnjene pozicije, uključujući i pojedinosti o ulozi potencijalnog kandidata;
 - (b) opće uvjete potrebne za poziciju iz člana 7. stav 1. tač. od a) do c);
 - (c) ostale uvjete koje je potrebno ili poželjno ispunjavati za tu poziciju iz člana 7. st. 2. i 3;

- (d) uvjete iz člana 7. st. 2. i 3. koji su obavezni za tu poziciju i one koje je samo poželjno zadovoljavati;
- (e) ako se za poziciju traži da se ispuni obrazac prijave, jasna uputstva kako se obrazac može dobiti;
- (f) spisak potrebnih dokumenata, rok i mjesto za podnošenje prijave. Krajnji rok za podnošenje prijave ne smije biti kraći od 14 dana od dana objavljivanja oglasa o upražnjenoj poziciji u traženim novinama.
3. Oglas o upražnjenoj poziciji treba da bude dovoljno detaljan da bi kandidatima dao potpunu informaciju o u lozi koju treba vršiti u reguliranom organu, nadoknadi, uvjetima službe i dužini trajanja imenovanja i mogućnosti ponovnog imenovanja.
4. Osim ako se svakom kandidatu ne dostavlja pisana odbijenica u oglasu o upražnjenoj poziciji mora se jasno naglasiti da oni podnosioci prijave sa kojima se ne stupi u kontakt u određenom roku, a nakon roka za podnošenje prijave neće biti uzeti u razmatranje u daljem procesu imenovanja.

Član 9.

Komisija za izbor

1. Komisija za izbor je zadužena za pregledanje prijave.
2. Odgovorni javni službenik je odgovoran za imenovanje članova komisije za izbor. Komisija za izbor se sastoji od pet članova od kojih su najmanje tri državni službenici (kako je to regulirano Zakonom o državnoj službi) ministarstva ili drugog organa odnosno agencije nadležne za regulirani organ u koji se predlaže imenovanje. Prilikom imenovanja članova komisije za izbor odgovorni javni službenik vodit će računa o tome da članovi komisije za izbor po mogućnosti budu lica koja su pokazala da poznaju odredbe ovog zakona o ministarskim, vladinim i drugim imenovanjima, čiji je ovaj član dio i koja posjeduju stručno znanje u odgovarajućim oblastima. Druga dva člana komisije za izbor imenuje odgovorni javni službenik također na osnovu kriterija iz prethodne rečenice.

Član 10.

Razmatranje prijave i uži izbor

1. Komisija za izbor pregledat će sve prijave koje stignu u propisanom roku.
2. Komisija će na osnovu principa iz člana 3. ovog zakona i kriterija za imenovanje sastaviti listu s užim izborom najboljih kandidata koji ispunjavaju kriterije za imenovanje.
3. Ni jedan kandidat neće biti stavljen na listu s užim izborom ukoliko nije povoljno ocijenjen prema kriterijima za imenovanje.
4. Sve odluke, uključujući i one koje sadrže odbijenice, moraju u potpunosti biti dokumentovane i moraju se čuvati u ministarstvu ili vladinoj službi, organu ili agenciji u čijoj je nadležnosti regulirani organ.

5. Svi kandidati liste s užim izborom pozivaju se na intervju. Prilikom pozivanja kandidata na intervju, svaki kandidat koji je ušao u uži izbor mora dobiti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.
6. Komisija za izbor će prije intervjuja zahtijevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.

Član 11.

Intervju

1. Komisija za izbor poziva sve kandidate koji su ušli u uži izbor na intervju.
2. Intervju se mora obaviti na način kojim će se osigurati poštovanje principa iz člana 3.
3. Sve odluke koje potiču sa intervjuja, uključujući i one sa odbijenicom, u potpunosti se dokumentuju.
4. U toku intervjuja komisija za izbor osigurat će sljedeće: (i) da su svi kandidati u potpunosti upoznati sa standardom ličnog integriteta koji se traže za lica imenovana na javnu poziciju; (ii) da su pitanja o sukobu interesa objašnjena i razmotrena detaljno sa svim kandidatima; (iii) da su svi kandidati u potpunosti informirani o pravu javnosti putem mehanizama koji su detaljno navedeni u ovom zakonu, da može uložiti prigovor protiv imenovanja koje se razmatra.

Član 12.

Konačna imenovanja nakon intervjuja

1. Nakon intervjuja i na osnovu u potpunosti dokumentovanih odluka svakog člana komisije, komisija za izbor će putem pisane preporuke predložiti rang-listu sa najboljim kandidatima odgovornom javnom službeniku na daljnje razmatranje. Pisana preporuka sadrži sve relevantne informacije koje izborna komisija ima o kandidatima i njene preporuke.
2. Smatra se da je kandidat koji je prvi na rang-listi i kojeg je preporučila većina članova komisije za izbor najuspješnije prošao otvorenu konkurenciju.
3. Nakon što komisija za izbor dostavi prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju) da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg od kandidata s predložene liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji su rangirani kao slijedeći na listi s užim izborom bit će razmatrani za imenovanje.

Član 13.

Objava imenovanja

Odgovorni javni službenik se stara da se sva konačna imenovanja odmah objave u "Službenim novinama Federacije BiH".

Član 14.

Razrješenje

1. Smatra se da je došlo do kršenja principa iz člana 3. ukoliko je odgovorni javni službenik vršio ovlaštenja svoje funkcije na taj način da je nezakonito razriješio imenovano lice u reguliranom organu na dan ili nakon stupanja ovog zakona na snagu.
2. U smislu ovog zakona smatra se da je imenovano lice nezakonito razriješeno, što je onda predmet člana 16. ovog zakona, kada ne postoje zakonske osnove za razrješenje ili kada je razrješenje izvršeno bez provedenog pravičnog i propisanog postupka.

Član 15.

Tajnost i zaštita podatka

Lični podaci o podnosiocima prijave su tajni i mogu se prikupljati i obrađivati samo u skladu s odredbama Zakona o zaštiti ličnih podataka Bosne i Hercegovine ("Službeni glasnik BiH", broj 32/01).

Član 16.

Prigovori

1. U slučaju kada postoje dokazi da principi utvrđeni u članu 3. ovog zakona ili postupci nisu ispoštovani, bilo koji član javnosti može podnijeti prigovor na konačno imenovanje u skladu s odredbama ovog zakona.
2. Prigovor se podnosi odgovornom javnom službeniku, a kopija se dostavlja ombudsmenu za ljudska prava Federacije (Zakon o Ombudsmenu Federacije Bosne i Hercegovine, "Službene novine Federacije BiH", broj 32/00). Odgovorni javni službenik će u roku od sedam dana od dana prijema prigovora obavijestiti podnosioca prigovora o ulozi ombudsmena.
3. Odredbama ovog zakona se ni na koji način ne mogu ograničiti ovlaštenja ombudsmena utvrđena Zakonom o Ombudsmenu Federacije. Ombudsman može preduzeti sve mjere neophodne da se prigovor ispita. Ombudsman može pokrenuti pitanja vezana za postupak imenovanja na koji se prigovor odnosi i može zahtijevati da odgovorni javni službenik njegovom uredu dostavi sve dokumente i spise vezane za navedeno imenovanje.
4. Odgovorni javni službenik mora uredu ombudsmena dostaviti pisani odgovor na prigovor u roku od 14 dana od dana kada je dat prigovor.
5. Ukoliko većina dokaza upućuje da je konačno imenovanje izvršeno u suprotnosti s principima iz člana 3. ovog zakona i postupcima utvrđenim ovim zakonom, ombudsman je dužan da nadležnog javnog službenika pisano informira o svim nepravilnostima koje su proistekle iz procesa imenovanja.
6. Ombudsman je dužan da pripremi nalaz i zaključke vezano za prigovor. Zaključci mogu sadržavati preporuku tamo gdje dokazi upućuju, kako je već navedeno, daje došlo do kršenja

principa iz člana 3. ovog zakona i procedura utvrđenih ovim zakonom. Ombudsmen može, bez iznošenja povjerljivih informacija (uključujući i lične podatke o kandidatima) objaviti nalaze i zaključke, uključujući i preporuke. Također, ombudsmen dostavlja svoje nalaze i zaključke licu (ili licima) koje je podnijelo prigovor.

Član 17.

Postupanje po preporuci ombudsmena

1. Kada je nalaz ombudsmena konačan po pitanju da postupak imenovanja nije proveden u skladu s odredbama ovog zakona, ombudsmen može dati preporuku odgovornom javnom službeniku da se konačno imenovanje poništi i da se pristupi novom postupku imenovanja.
2. Ukoliko ombudsmen da preporuke odgovornom javnom službeniku s ciljem da se usvoje nove mjere, odgovorni javni službenik dužan je da u određenom vremenskom roku dostavi pisani odgovor u kojem će obavijestiti ombudsmena o postupcima i rokovima za provođenje tih postupaka na osnovu navedenih preporuka.
3. Ako odgovorni javni službenik ne odgovori u skladu s odredbama stava 2. ovog člana, ili ako ombudsmen nije zadovoljan navedenim odgovorom ili prijedlogom mjera na osnovu njegovih preporuka, svoje nalaze i preporuke vezano za imenovanje upućuje Parlamentu Federacije.

Član 18.

Završne odredbe

1. Ovaj zakon će se čitati zajedno sa i kao dopuna postojećim zakonima, uredbama, pravilima odnosno propisima Federacije odnosno Bosne i Hercegovine i osim ako ti zakoni, pravila, uredbе odnosno i propisi nisu u suprotnosti s odredbama ovog zakona, te se njime ne mijenja lice ili organ (uključujući svakog ministra u vladi, vladu, kantonalne, gradske ili općinske organe, drugog zvaničnika ili organ) koji je ovlašten za konačno imenovanje lica u regulirani organ prema postojećim zakonima, pravilima, uredbama odnosno propisima.
2. U roku od tri mjeseca od stupanja na snagu ovog zakona Vlada Federacije, kantonalni, gradski i općinski organi vlasti dostavit će ombudsmenu spisak svih lica koja se nalaze na pozicijama na koje se ovaj zakon odnosi zajedno s opisom tih pozicija, kao i trenutno upražnjene pozicije.

Član 19.

Prijelazne odredbe Ponovno imenovanje

1. Bez obzira na odredbe člana 14. ovog zakona odgovorni javni službenik može u roku od 12 mjeseci od stupanja ovog zakona, a na osnovu odredaba ovog zakona, provesti postupak revizije svih imenovanja na sadašnje pozicije.
2. Na osnovu postupka revizije iz prethodnog stava odgovorni javni službenik može, u pravičnom i pravilnom postupku, razriješiti imenovana lica i za te pozicije provesti novi postupak imenovanja u skladu sa odredbama ovog zakona.
3. U smislu ovog zakona i dok Zakon o državnoj službi u Federaciji ne stupi na snagu, sve reference u ovom zakonu na Zakon o državnoj službi tumačit će se kao reference na Zakon o državnoj službi u institucijama Bosne i Hercegovine. Kad god se u ovom zakonu koristi izraz

"državna služba" njegovo značenje je isto kao u Zakonu o državnoj službi u institucijama Bosne i Hercegovine. Uz to reference u Zakonu na "institucije Bosne i Hercegovine" će se, u zavisnosti od konteksta, tumačiti, u svrhu ovog zakona, kao institucije Federacije Bosne i Hercegovine.

Član 20.

Stupanje na snagu

Ovaj zakon stupa na snagu 26. februara 2003. godine.

Predsjedavajući
Doma naroda
Parlamenta Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Muhamed Ibrahimović, s. r.

**ZAKON
O IZMJENAMA I DOPUNAMA ZAKONA O
MINISTARSKIM, VLADINIM I DRUGIM
IMENOVANJIMA FEDERACIJE
BOSNE I HERCEGOVINE**

Član 1.

U Zakonu o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), u članu 2. u stavu 1. u tački 1.6. na kraju teksta dodaju se nove rečenice koje glase: "Odgovorni javni službenik iz ove tačke je lice ili organ koje je osnovao navedeni regulirani organ. Ako je regulirani organ ili organe osnovao Parlament Federacije Bosne i Hercegovine, skupština kantona, skupština grada ili općinsko vijeće tada je odgovorni javni službenik Parlament Federacije Bosne i Hercegovine, skupština kantona, skupština grada ili općinsko vijeće. Ako je regulirani organ osnovala Vlada Federacije Bosne i Hercegovine, vlada kantona, gradonačelnik ili općinski načelnik tada se oni smatraju za odgovornog javnog službenika u smislu ovog zakona".

Član 2.

U članu 3. u stavu 2. tačka (C) briše se.
Dosadašnje tač. (D) i (E) postaju tač. (C) i (D).

Član 3.

Član 4. mijenja se i glasi:

"Član 4.

Nominacije/imenovanja na kraći period

Nominacije/imenovanja na kraći period su nominacije ili imenovanja na najviše tri mjeseca koja se ne mogu ponoviti."

Član 4.

U članu 6. stav 2. briše se.
Dosadašnji st. 3. i 4. postaju st. 2. i 3.

Član 5.

U članu 7. st. 3. i 6. brišu se.
U stavu 4. riječi: "st. 2. i 3." zamjenjuju se riječima: "stava 2."
Dosadašnji st. 4. i 5. postaju st. 3. i 4.

Član 6.

U članu 8. u stavu 2. u tački (c) riječi: "st. 2. i 3." zamjenjuju se riječima: "stav 2. ovog Zakona;"
U tački (d) riječi: "st. 2. i 3." zamjenjuju se riječima: "stav 2. ovog zakona;"
Stav 4. briše se.

Član 7.

- U članu 9. stav 2. mijenja se i glasi:
- "2. **Odgovorni javni službenik imenuje članove komisije za izbor. Komisija za izbor se sastoji od pet članova.**"
Iza stava 2. dodaju se novi st. 3., 4. i 5. koji glase:
 - "3. **Prilikom imenovanja komisije za izbor vodi se računa o zakonu ili statutu na osnovu kojeg je osnovan organ. Ako je u tom zakonu ili statutu o osnivanju organa propisan posebni postupak izbora ili sastava komisije za izbor na pozicije u reguliranom organu tada se postupa po odredbama tog zakona ili statuta.**
 4. **Ako je organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu tada odgovorni javni službenik samostalno imenuje komisiju za izbor iz stava 2. ovog člana, te se komisija sastoji od uposlenika tog organa.**
 5. **Ako je u zakonu ili statutu propisano da i drugi organ ima ovlaštenje za imenovanje svojih predstavnika u regulirani organ, tada odgovorni javni službenik tog**

organa imenuje svoju komisiju za izbor za one predstavnike za koje je nadležan i provodi postupak u skladu sa ovim zakonom."

Član 8.

U članu 10. stav 5. briše se.
Dosadašnji stav 6. postaje stav 5.

Član 9.

U članu 11. iza stava 1. dodaje se novi stav 2. koji glasi:
"2. **Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.**"

Dosadašnji st. 2., 3. i 4. postaju st. 3., 4. i 5.

Član 10.

U članu 13. na kraju rečenice tačka se zamjenjuje zarezom i dodaju riječi: "ili službenim novinama kantona, grada ili općine."

Član 11.

Član 14. briše se.

Član 12.

U članu 15. broj "32/01" zamjenjuje se brojem "49/06".

Član 13.

U članu 16. u stavu 1. riječi: "bilo koji član javnosti" zamjenjuju se riječima: "zainteresirana stranka".

Stav 2. mijenja se i glasi:

"2. **Prigovor se podnosi odgovornom javnom službeniku, a kopija se dostavlja Ombudsmenu za ljudska prava Bosne i Hercegovine.**"

U stavu 3. riječi: "Zakonom o Ombudsmenu Federacije" zamjenjuju se riječima: "Zakonom o Ombudsmenu za ljudska prava Bosne i Hercegovine".

U stavu 5. riječi: "većina dokaza upućuje" zamjenjuju se riječima: "dokazi upućuju".

Član 14.

U članu 18. stav 2. briše se.

Član 15.

Član 19. briše se.

Član 16.

Ovaj zakon stupa na snagu osmog dana od dana objavljivanja u "Službenim novinama Federacije BiH".

| | |
|--|---|
| Predsjedavajući Doma naroda Parlamenta Federacije BiH Radoje Vidović, s. r. | Predsjedavajući Predstavničkog doma Parlamenta Federacije BiH Fehim Škaljić, s. r. |
|--|---|

Temeljem članka IV.B.7. a)(IV) Ustava Federacije Bosne i Hercegovine, donosim

**UKAZ
O PROGLAŠENJU ZAKONA O IZMJENAMA I
DOPUNAMA ZAKONA O MINISTARSKIM, VLADINIM I
DRUGIM IMENOVANJIMA FEDERACIJE
BOSNE I HERCEGOVINE**

Prolašava se Zakon o izmjenama i dopunama Zakona o ministarskim, vladinim i drugim imenovanjima Federacije Bosne i Hercegovine koji je donio Parlament Federacije BiH na sjednici Zastupničkog doma od 02.07.2013. godine i na sjednici Doma naroda od 25.07.2013. godine.

Broj 01-02-758-02/13
06. kolovoza 2013. godine
Sarajevo

Predsjednik
Živko Budimir, v. r.

20/10

GRAD SARAJEVO

Gradsko vijeće

Na osnovu članova 44. i 57. Zakona o pravobranilaštvu ("Službene novine Kantona Sarajevo", broj 33/08 - novi Prečišćeni tekst) i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj 27. jula 2010. godine, donijelo je

ODLUKU

**O OSNIVANJU PRAVOBRANILAŠTVA
GRADA SARAJEVA**

I. OPĆE ODREDBE

Član 1.

Ovom Odlukom osniva se Pravobranilaštvo Grada Sarajeva (u daljnjem tekstu: Pravobranilaštvo), utvrđuje njegova nadležnost i organizacija rada, propisuje postupak za imenovanje, smjenjivanje i prestanak rada Pravobranioca, zamjenika Pravobranioca i uređuju druga pitanja u vezi sa radom Pravobranilaštva.

Član 2.

Pravobranilaštvo je državno tijelo koje preduzima mjere i pravna sredstva radi pravne zaštite imovine i imovinskih interesa Grada Sarajeva (u daljnjem tekstu: Grad).

Pravobranilaštvo vrši i druge poslove određene zakonom.

Član 3.

Pravobranilaštvo svoju funkciju vrši u skladu sa ustavom, zakonom, drugim propisima i općim aktima.

Član 4.

Pravobraniocu i zamjeniku Pravobranioca izdaje se službena legitimacija.

Službenu legitimaciju izdaje gradonačelnik na osnovu propisa ministra pravde i uprave Kantona Sarajevo.

Član 5.

Pravobranilaštvo ima pečat u skladu sa Odlukom o pečatima Grada.

Sjedište Pravobranilaštva je u Sarajevu, ulica Čobanija broj 5.

Član 6.

U Pravobranilaštvu su u ravnopravnoj upotrebi bosanski, hrvatski i srpski jezik, i latinično i ćirilčno pismo.

Član 7.

Federalni i kantonalni propisi kojima se uređuje radno-pravni status državnih službenika i namještenika u organima državne službe, shodno se primjenjuju i na državne službenike i namještenike Pravobranilaštva, ako zakonom nije drugačije određeno.

II. NADLEŽNOST I ORGANIZACIJA
PRAVOBRANILAŠTVA

I. Nadležnost Pravobranilaštva

Član 8.

Pravobranilaštvo vrši poslove pravne zaštite imovine i imovinskih interesa Grada, njegovih organa i drugih institucija čiji je osnivač Grad.

Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Grad, a po zahtjevu osnivača, odnosno suosnivača.

Član 9.

Poslove zastupanja organa i pravnih lica iz člana 8. ove Odluke, Pravobranilaštvo vrši u svim sudskim postupcima i upravnom postupku, u skladu sa zakonom.

U vršenju poslova zastupanja Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo ocijeni da ne treba pokrenuti određeni postupak ili da treba povući tužbu, ili da ne treba izjaviti određeni pravni lijek, obavještava o tome subjekt koji zastupa, koji o tome zauzima konačan stav.

Član 10.

Ako Pravobranilaštvo treba, shodno svojim ovlaštenjima, da zastupa stranke čiji su interesi u suprotnosti, a jedna od njih je Grad, Pravobranilaštvo će zastupati Grad.

Član 11.

Pravobranilaštvo pruža stručnu pomoć organima i pravnim licima iz člana 8. ove Odluke u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključivanja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i o drugim ugovorima kojima se pribavljaju stvari ili raspolaze stvarima, odnosno matrijalnim pravima.

Nije obavezno pribavljanje pravnog mišljenja Pravobranilaštva kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000,00 KM na dan utvrđivanja vrijednosti.

Mišljenja iz st. 1. i 2. ovog člana Pravobranilaštvo daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

Član 12.

U postupku donošenja općih akata kojima se uređuju imovinsko-pravni odnosi, prava i obaveze prema stvarima i vlasništvu Grada, obavezno se pribavlja mišljenje Pravobranioca.

Pravobranilaštvo, na zahtjev Grada, daje mišljenje o imovinsko - pravnim ugovorima koji se namjeravaju zaključiti sa stranim pravnim i fizičkim licima, kao i drugim imovinsko-pravnim odnosima sa tim licima.

Član 13.

Organi i pravna lica iz člana 8. ove Odluke dužni su zaključeni ugovor imovinsko-pravne prirode dostaviti Pravobranilaštvu u roku od 15 dana dana zaključenja ugovora.

Ako Pravobranilaštvo ocijeni da je zaključeni ugovor ništav, podnijet će tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti - tužbu za poništenje ugovora ili izmjenu ugovora.

2. Organizacija Pravobranilaštva

Član 14.

Funkciju Pravobranilaštva vrši Gradski pravobranilac (u daljnjem tekstu: Pravobranilac)

Pravobranilac predstavlja Pravobranilaštvo, rukovodi njegovim radom i vrši prava i dužnosti utvrđene zakonom, drugim propisima i ovom Odlukom.

Pravobranilac ima jednog zamjenika.

Član 15.

Zamjenik pravobranioca vrši poslove iz djelokruga Pravobranilaštva koje mu odredi Pravobranilac.

U zastupanju pred sudovima i drugim organima zamjenik ima ovlaštenja Pravobranioca

Član 16.

Pravobranioca i zamjenika Pravobranioca imenuje, smjenjuje i razrješava Gradsko vijeće, na prijedlog gradonačelnika.

Na prijedlog gradonačelnika, organ iz prethodnog stava odlučuje i o udaljenju od vršenja službe, o izuzeću i o ostavci Pravobranioca i njegovog zamjenika.

Postupak imenovanja Pravobranila i njegovog zamjenika provodi se u skladu sa Zakonom o pravobranilaštvu, ovom Odlukom i drugim propisima kojima je uređen postupak imenovanja, poštivanjem zastupljenosti konstitutivnih naroda i ostalih.

Član 17.

Za Gradskog pravobranioca i njegovog zamjenika može biti imenovano lice koje je državljanin Bosne i Hercegovine i Federacije Bosne i Hercegovine, koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima i pravnim poslovima u drugim državnim organima, preduzećima i drugim pravnim licima, u trajanju od najmanje tri godine, i koji posjeduje najviše moralne osobine za obavljanje službe Pravobranioca.

Član 18.

Pravobranilac se imenuje na period od četiri godine i može biti ponovno imenovan.

Zamjenik Pravobranioca imenuje se bez ograničenja trajanja mandata.

Član 19.

Prije stupanja na dužnost Pravobranilac i zamjenik Pravobranioca daju svečanu izjavu pred predsjedavajućim Gradskog vijeća.

Tekst svečane izjave glasi: "Izjavljujem da ću se u vršenju službe Pravobranioca-zamjenika Pravobranioca pridržavati Ustava i zakona Bosne i Hercegovine, Federacije Bosne i Hercegovine, Kantona Sarajevo i propisa Grada, i da ću službu vršiti savjesno".

Član 20.

Pravobranilac koji ne bude ponovno imenovan prestaje funkcija Pravobranioca, ali mu ne prestaje radni odnos.

Pravobranilac koji ne bude ponovno imenovan, raspoređuje se na odgovarajuće poslove u Pravobranilaštvu.

Rješenje o raspoređivanju Pravobranioca iz prethodnog stava donosi gradonačelnik, najkasnije u roku od tri mjeseca od dana prestanka funkcije Pravobranioca.

Ako Pravobranilac ne prihvati raspored na poslove po rješenju gradonačelnika, prestaje mu radni odnos, po isteku 30 dana od dana donošenja rješenja.

Član 21.

Pravobranilac i zamjenik Pravobranioca dužni su čuvati svoj ugled i ugled Pravobranilaštva.

Pravobranilac i zamjenik Pravobranioca ne mogu vršiti inokosnu funkciju, ni biti članovi izvršnog tijela političke organizacije.

Pravobranilac i zamjenik Pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

Član 22.

Pravobranilac i zamjeniku Pravobranioca služba prestaje:

- smjenjivanjem,
- u slučaju podnošenja ostavke i
- kada ispuni uslove za odlazak u penziju propisane zakonom za državne službenike.

Član 23.

Postupak smjenjivanja Pravobranioca i zamjenika Pravobranioca pokreće se i sprovodi u skladu sa zakonom.

U postupku smjenjivanja Pravobranioca i zamjenika Pravobranioca omogućit će se da se izjasne o razlozima smjenjivanja.

Član 24.

Pravobranilac i zamjenik Pravobranioca bit će udaljeni od vršenja službe ako je protiv njih određen pritvor, a mogu biti udaljeni od vršenja dužnosti, ako je protiv njih pokrenut krivični postupak ili postupak za smjenjivanje od vršenja službe.

Član 25.

Pravobranilac i zamjenik Pravobranioca mogu podnijeti ostavku na vršenje službe. Ostavku podnose Gradskom vijeću, a vršenje službe im prestaje sljedećeg dana od dana kad je ostavka primljena.

Član 26.

Odredbes zakona o parničnom postupku i o izuzeću sudija ili sudija porotnika koje se primjenjuju na području Kantona Sarajevo, shodno se primjenjuju i na izuzeće Pravobranioca i njegovog zamjenika.

Izuzeće Pravobranioca i zamjenika Pravobranioca ne mogu tražiti stranke.

O izuzeću odlučuje Gradsko vijeće, na prijedlog gradonačelnika.

Član 27.

U Pravobranilaštvu postoji određen broj službenika i namještenika za vršenje stručnih i administrativno-tehničkih poslova utvrđenih Zakonom.

Član 28.

Unutrašnju organizaciju u Pravobranilaštvu utvrđuje Pravobranilac, Pravilnikom o unutrašnjoj organizaciji Pravobranilaštva, po prethodno pribavljenoj saglasnosti Gradskog vijeća.

Član 29.

Pravobranilaštvo podnosi Gradskom vijeću i gradonačelniku izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Izvještaj iz stava 1. ovog člana razmatra Gradsko vijeće najkasnije do 31. marta tekuće godine.

3. Radno-pravni status Pravobranioca i zamjenika Pravobranioca

Član 30.

Koeficijent za utvrđivanje plaće Pravobranioca i zamjenika Pravobranioca utvrđuje Odlukom Gradsko vijeće, na prijedlog Administrativne komisije (u daljnjem tekstu: Komisija).

Plaća Pravobranioca i zamjenika Pravobranioca utvrđuje se množenjem polazne osnove za obračun plaća koja se primjenjuje za državne službenike u jedinstvenom organu uprave, sa koeficijentom iz stava 1. ovog člana, i tako utvrđeni iznos uveća za 0,6% za svaku započetu godinu radnog staža, a najviše do 20%.

Pravobranilac i zamjeniku Pravobranioca pripada pravo na položajni dodatak, kojeg utvrđuje Gradsko vijeće, na prijedlog Komisije.

Član 31.

Za naknade koje nemaju karakter plaća, službena putovanja i ostala primanja po osnovu radnog odnosa primjenjuju se propisi koji važe za državne službenike u organima uprave.

Na sva pitanja koja se odnose na radno-pravni status, prava, dužnosti, obaveze i odgovornost Pravobranioca i zamjenika Pravobranioca shodno se primjenjuju odgovarajuće odredbe Zakona o pravobranilaštvu, te propisi kojima se uređuju prava i

dužnosti državnih službenika u Federaciji Bosne i Hercegovine, opći propisi o radu i kolektivni ugovori.

III. SREDSTVA ZA RAD PRAVOBRANILAŠTVA

Član 32.

Sredstva za rad Pravobranilaštva obezbjeđuju se u budžetu Grada.

Član 33.

Finansijsko i materijalno poslovanje Pravobranilaštva obavlja se na način i po postupku koji važi za organe državne uprave.

Član 34.

Za radnje preduzete u zastupanju pred sudovima i drugim tijelima, u slučaju iz člana 10. ove Odluke, Pravobranilaštvo ima pravo na nagradu i naknadu troškova, prema Tarifi o nagradama i naknadi troškova za rad advokata.

Sredstva koja prilikom zastupanja ostvari Pravobranilaštvo, prihod su budžeta Grada.

IV. PRELAZNE I ZAVRŠNE ODREDBE

Član 35.

Pravobranilaštvo, osnovano ovom Odlukom, počinje sa radom danom imenovanja Pravobraniloca.

Član 36.

Pravobranilac će u roku od 30 dana od dana početka rada Pravobranilaštva donijeti Pravilnik o unutrašnjoj organizaciji Pravobranilaštva.

Član 37.

Na sva pitanja koja nisu posebno regulisana ovom Odlukom odgovarajuće se primjenjuju odredbe Zakona o pravobranilaštvu.

Član 38.

Stupanjem na snagu ove Odluke prestaje da važi Odluka o osnivanju Pravobranilaštva Grada Sarajeva ("Službene novine Kantona Sarajeva", broj 11/04).

Član 39.

Ova Odluka stupa na snagu narednog dana od dana objavljivanja u "Službenim novinama Kantona Sarajeva".

Broj 01-02-1242/10
27. jula 2010. godine
Sarajeva

Predsjedavajući
Gradskog vijeća
Prim. dr. Željko Ler, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08 - Prečišćeni tekst), Gradsko vijeće Grada Sarajeva na sjednici održanoj 27. jula 2010. godine, donijelo je

ODLUKU

O PODRŠCI KANDIDATURE GRADA SARAJEVA I GRADA ISTOČNO SARAJEVO ZA DOMAĆINA EVROPSKOG OLIMPIJSKOG OMLADINSKOG FESTIVALA 2015. (EYOF)

Član 1.

Ovom Odlukom daje se podrška kandidaturi Grada Sarajeva, da zajedno sa Gradom Istočno Sarajevo, preduzima sve neophodne aktivnosti usmjerene ka dobijanju statusa domaćina Evropskog olimpijskog omladinskog festivala 2015. (EYOF).

Član 2.

Ovlašćuje se gradonačelnik Grada Sarajeva da:

- vodi proces kandidature Grada Sarajeva, te u saradnji sa odgovarajućim organima Grada Istočno Sarajevo, preduzima aktivnosti utvrđene dokumentima "Smjernice za gradove kandidate za Evropski omladinski olimpijski

festival" i "Memorandum o razumijevanju između Grada Istočno Sarajevo i Grada Sarajeva";

- ispred Grada Sarajeva, a u saradnji sa odgovarajućim organima Grada Istočno Sarajevo, formira i imenuje članove tijela, neophodnih za realizaciju kandidature za domaćina Evropskog olimpijskog omladinskog festivala 2015. (EYOF).

Član 3.

Sastavni dio ove Odluke su dokumenti "Smjernice za gradove kandidate za Evropski omladinski olimpijski festival" i "Memorandum o razumijevanju između Grada Istočno Sarajevo i Grada Sarajeva".

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajeva".

Broj 01-02-1244/10
27. jula 2010. godine
Sarajeva

Predsjedavajući
Gradskog vijeća
Prim. dr. Željko Ler, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08), Gradsko vijeće Grada Sarajeva, na sjednici održanoj 27. jula 2010. godine, donijelo je slijedeću

ODLUKU

O DAVANJU SAGLASNOSTI NA SPORAZUM O NAMJERI OSNIVANJA JAVNE USTANOVE "MUZEJ SAVREMENE UMJETNOSTI ARS AEVI SARAJEVO"

Član 1.

Ovom Odlukom daje se saglasnost na Sporazum o namjeri osnivanja Javne ustanove "Muzej savremene umjetnosti ARS AEVI Sarajeva".

Član 2.

Ovlašćuje se gradonačelnik Grada Sarajeva da u ime Grada Sarajeva potpiše Sporazum iz člana 1. ove Odluke, te da poduzme potrebne radnje u smislu realizacije istog.

Član 3.

Sastavni dio ove Odluke je Sporazum o namjeri osnivanja Javne ustanove "Muzej savremene umjetnosti ARS AEVI Sarajeva".

ODLUKU

O IZMJENAMA I DOPUNAMA ODLUKE O
OSNIVANJU PRAVOBRANILAŠTVA
GRADA SARAJEVO

Član 1.

U Odluci o osnivanju Pravobranilaštva Grada Sarajevo ("Službene novine Kantona Sarajevo", br. 20/10 i 30/15), u članu 8. dodaju se novi st.: 3., 4. i 5. koji glase:

"Kada Pravobranilaštvo mora postupati u propisanom zakonskom roku, organi i pravna lica iz st.: 1. i 2. ovog člana dužni su da Pravobranitiocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja, organa i pravnih lica iz st.: 1. i 2. ovog člana nastupi šteta za Grad Sarajevo ili druge subjekte koje zastupa, Pravobranilaštvo o tome obavještava organ koji je ovlašten da vrši nadzor nad radom tog organa ili pravnog lica i Gradonačelnika, te rukovodiocu zastupanog organa ili pravnog lica podnosi zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanih organa i pravnih lica iz st.: 1. i 2. ovog člana obavezan je pokrenuti postupak iz stava 4. ovog člana, te o postupanju po zahtjevu Pravobranilaštva za pokretanje postupka utvrđivanja odgovornosti i ishoda pokrenutog postupka, ovlašteno lice je dužno obavijestiti Pravobranilaštvo, koje je protiv lica za koje je utvrđena disciplinska odgovornost dužno podnijeti zahtjev za naknadu pričinjene štete."

Član 2.

U članu 9. stav (3) mijenja se i glasi:

"Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa."

Iza stava (3) ovog člana dodaje se novi stav (4) koji glasi:

"Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa."

Član 3.

Član 11. mijenja se i glasi:

"Član 11.

Pravobranilaštvo pruža stručnu pomoć organima i pravnim licima iz člana 8. ove Odluke u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovorim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima.

Organi i pravna lica iz stava 1. ovog člana dužni su pribaviti i saglasnost Gradskog vijeća prije zaključenja ugovora imovinsko-pravne prirode iz stava 2. ovog člana, u skladu sa ustavom i zakonom, a ukoliko na te ugovore nije pribavljeno pravno mišljenje Pravobranilaštva, Gradsko vijeće ih neće ni razmatrati, odnosno odbiće davanje saglasnosti.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva niti Gradskog vijeća.

Pravobranilaštvo mišljenje iz st.: 1. i 2. ovog člana daje najkasnije u roku od 15 dana od dana prijema zahtjeva i potrebne

dokumentacije, a u naročito složenim slučajevima u roku od 30 dana.

O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava organ koji je ovlašten da vrši nadzor nad radom tog organa ili pravnog lica i Gradonačelnika, te podnosi rukovodiocu zastupanog organa ili pravnog lica zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili pravnog lica obavezan je pokrenuti postupak iz stava 6. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishoda pokrenutog postupka ovlašteno lice je dužno obavijestiti Pravobranilaštvo."

Član 4.

U članu 17. iza riječi: "tri godine", dodaju se riječi: "nakon položenog pravosudnog ispita."

Član 5.

U članu 20. st.: 2. i 3. mijenjaju se i glase:

"Pravobranilac koji ne bude ponovno imenovan, raspoređuje se na mjesto zamjenika Pravobranitioca, ukoliko je upražnjeno, a ako nije, raspoređuje se na mjesto državnog službenika u Pravobranilaštvu ili drugom gradskom organu u skladu sa svojim stručnim kvalifikacijama.

Rješenje o raspoređivanju Pravobranitioca na mjesto zamjenika Pravobranitioca donosi Gradsko vijeće, a na mjesto državnog službenika Gradonačelnik, najkasnije u roku od tri mjeseca od dana prestanka funkcije Pravobranitioca."

U stavu 4. riječ "gradonačelnika" zamjenjuje se riječima: "iz prethodnog stava ovog člana".

Član 6.

Član 22. mijenja se i glasi:

"Član 22.

Pravobranitiocu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku Pravobranitioca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz st.: 1. i 2. ovog člana, donosi se odluka o razrješenju."

Član 7.

Član 25. mijenja se i glasi:

"Član 25.

Pravobranilac i zamjenik Pravobranitioca mogu podnijeti ostavku na vršenje službe.

Ostavku podnose Gradskom vijeću, a vršenje službe im prestaje danom razrješenja zbog podnesene ostavke, a najkasnije u roku od 30 dana od dana podnošenja ostavke."

Član 8.

U članu 27.b. stav 1. na kraju stava, tačka se zamjenjuje zarezom i dodaju se riječi: "nakon položenog pravosudnog ispita."

Član 9.

Iza člana 27b. dodaju se novi čl.: 27c. i 27d. koji glase:

"Član 27c.

"Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati pravobranilački pripravnici pravne struke sa ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

Član 27d.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvo se mogu primati lica pravne struke sa ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Odredbе ove Odluke koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa."

Član 10.

Član 30. mijenja se i glasi:

"Član 30.

Plaće i naknade Pravobranioaca i zamjenika Pravobranioaca utvrđuju se u skladu sa Odlukom kojom se regulišu plaće i naknade u organima vlasti Grada Sarajeva".

Član 11.

U članu 31. stav 1. briše se.

U istom članu stav 2. mijenja se i glasi:

"Na prava i obaveze koje se odnose na radno-pravni status Pravobranioaca i zamjenika Pravobranioaca koja nisu uređena ovom Odlukom, primjenjuju se odgovarajuće odredbe Zakona o pravobranilaštvu, propisi kojima se uređuju prava i dužnosti državnih službenika u Federaciji BiH, Kantonu Sarajevo, Gradu Sarajevo, kao i opći propisi o radu i kolektivni ugovori".
Dosadašnji stav 2. postaje stav 1.

Član 12.

Ovlašćuje se Komisija za statut i akta Gradskog vijeća Grada Sarajeva da utvrdi prečišćeni tekst Odluke o osnivanju Pravobranilaštva Grada Sarajeva.

Član 13.

Ova Odluka stupa na snagu narednog dana od dana objavljivanja u "Službenim novinama Kantona Sarajeva."

Broj 01-02-465/17
13. marta 2017. godine
Sarajevo

Predsjedavajući
Gradskog vijeća
Igor dr. Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08), a u vezi s Elaboratom - Projekt službene elektronske komunikacije u Gradskom vijeću Grada Sarajeva koji je usvojen aktom Gradskog vijeća Grada Sarajeva broj 01-02-1112/14 od 25.06.2014. godine, Gradsko vijeće Grada Sarajeva, na sjednici održanoj 13.03.2017. godine, donijelo je

ODLUKU

O POČETKU SLUŽBENE ELEKTRONSKE
KOMUNIKACIJE U GRADSKOM VIJEĆU
GRADA SARAJEVA

Član 1.

Ovom Odlukom uređuje se početak službene elektronske komunikacije u Gradskom vijeću Grada Sarajeva, utvrđene u Elaboratu - Projekt službene elektronske komunikacije u Gradskom vijeću Grada Sarajeva.

Član 2.

Početak službene elektronske komunikacije u Gradskom vijeću Grada Sarajeva koja obuhvata najavu i praćenje rada i rezultata rada sjednica Gradskog vijeća Grada Sarajeva, uključujući organizovanje rada radnih tijela i Kolegija Gradskog vijeća Grada Sarajeva, je po donošenju pravilnika Administrativne komisije Gradskog vijeća, na prijedlog sekretara Gradskog vijeća, a kojim se uređuje korištenje sistema, te opća i sigurnosna pravila, odnosno procedure za optimalnu i nesmetanu službenu elektronsku komunikaciju u Gradskom vijeću Grada Sarajeva.

Član 3.

Po donošenju pravilnika, iz člana 2. ove Odluke, počinje službena elektronska komunikacija, i to u prvoj fazi, za rad Gradskog vijeća, a u II fazi, za rad radnih tijela i Kolegija Gradskog vijeća.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajeva".

Broj 01-02-466/17
13. marta 2017. godine
Sarajevo

Predsjedavajući
Gradskog vijeća
Igor dr. Gavrić, s. r.

OPĆINA ILIJAŠ

Općinski načelnik
Na osnovu člana 46. Zakona o prostornom uređenju ("Službene novine Kantona Sarajeva", broj 7/05) i čl. 23. i 55. Statuta Općine Ilijaš ("Službene novine Kantona Sarajeva", broj 7/98, 9/01, 17/04, i 14/08), Općinski načelnik, dana 02.03.2017. godine, verificovao je i donio

ODLUKU

O KOREKCIJI REGULACIONOG PLANA
"INDUSTRIJSKA ZONA ŽELJEZARA" U ILIJAŠU
(izmjena saobraćajnog rješenja)

Član 1.

Utvrđuje se Korekcija Regulacionog plana "Industrijska zona Željezara" u Ilijašu ("Službene novine Kantona Sarajeva", broj 12/01), u daljem tekstu: Korekcija Plana.

Član 2.

Korekcija Plana se vrši na zemljištu označenom kao dio k.č.: 202/1, 202/2 i 204/1 K.O. Ilijaš Grad - novi premjer.

Korekcijom Plana je - na zemljištu označenom kao dio k.č.: 202/1, 202/2 i 204/1 (u cilju formiranja građevinske parcele za izgradnju reciklažnog dvorišta i zadržavanja postojećeg poslovno - skladišnog objekta JKP "Vodostan" d.o.o., a u obuhvatu RP "Banovac"), izvršena izmjena saobraćajnog rješenja za kompleks Željezare Ilijaš, odnosno ukidanje dijela saobraćajnice planirane usvojenim Regulacionim planom.

Ovim je izvršeno usaglašavanje saobraćajnog rješenja ovog Plana i kontaktnog Regulacionog plana "Banovac".

Član 3.

Korekcija Plana se sastoji iz tekstualnog dijela i grafičkih priloga: Izvod iz Regulacionog plana "Industrijska zona Željezara" u Ilijašu, M 1:1000 (list br. 1), Korekcija Regulacionog plana "Industrijska zona Željezara" u Ilijašu - Urbanističko rješenje, M 1:1000 (list br. 2) i Korekcija Regulacionog plana "Industrijska zona Željezara" u Ilijašu - Saobraćajno rješenje, M 1:1000 (list br. 3).

Tekstualni i grafički prilozi Korekcije Plana sastavni su dio Regulacionog plana "Industrijska zona Željezara" u Ilijašu ("Službene novine Kantona Sarajeva", broj 12/01).

30/11

- (8) Zakupcu koji je izvršio potrebne radove u poslovnim prostorijama i garažama priznaje se vrijednosti uloženi sredstava koje procijeni Komisija prema prethodno donesenom pravilniku.
- (9) Stvarno uložena sredstva iz prethodnog stava zakupac je dužan dokazati računima izvođača radova.
- (10) Iznos priznatih sredstava, koji utvrdi Komisija, se vraća zakupcu poslovnih prostorija kroz kompenzaciju zakupnine za vrijeme trajanja zakupa poslovnih prostorija koja se reguliše aneksom ugovora.
- (11) Ukoliko zakupac poslovnih prostorija, koje već koristi, ocijeni da je potrebno izvršiti nužne radove u istim, podnosi Službi zahtjev za izvođenje nužnih radova u poslovnim prostorijama.
- (12) Postupak po zahtjevu zakupca iz prethodnog stava provodi se na način kao u slučaju iz stava (2) ovog člana Odluke.
- (13) Zakupac, kome su priznata nužna ulaganja u poslovne prostorije, ukoliko poslovne prostorije vraća u posjed zakupodavcu, dužan je iste vratiti u stanju u kojem su se nalazile nakon izvršenih nužnih ulaganja.
- (14) Ukoliko zakupac iz stava (13) ovog člana, vrati zakupodavcu neuslovne poslovne prostorije, zakupodavac će od istog tražiti naknadu štete sudskim putem.
- (15) Zakupac kome je utvrđen iznos zakupnine od 1,00 KM do 5,00 KM po m² (uključujući i 5,00 KM) nema pravo na naknadu sredstava, povrat sredstava, niti na kompenzaciju sa zakupninom iznosa nužnih ulaganja u poslovnu prostoriju.

VI. POSEBNE ODREDBE

Član 26.
(Podzakup)

Zakupac ne može poslovne prostorije ili dio poslovne prostorije i garažu dati u podzakup ili koristiti kao svoje učešće po osnovu ugovora o poslovno-tehničkoj ili drugim oblicima saradnje sa drugim pravnim i fizičkim licima.

Član 27.

(Promjena poslovne djelatnosti)

- (1) Zakupac može podnijeti zahtjev za promjenu poslovne djelatnosti utvrđene Ugovorom.
- (2) O zahtjevu iz prethodnog stava odlučuje Administrativna komisija u skladu sa općinskim odlukama o djelatnostima koje se mogu obavljati na području općina.
- (3) Na osnovu zaključka Administrativne komisije, gradonačelnik zaključuje Anex ugovora o zakupu poslovnih prostorija u roku od 15 dana od dana donošenja zaključka.

Član 28.

(Prestanak ugovora o zakupu)

- (1) Ugovor o zakupu poslovnih prostorija i garaža prestaje istekom vremena na koje je zaključen.
- (2) Ugovor može prestati i prije isteka vremena na koji je zaključen, na osnovu odustanka, sporazumno ili pod uslovima i na način propisan Zakonom o zakupu poslovnih zgrada i prostorija i propisima donesenim na osnovu Zakona.

Član 29.

(Raskid ugovora o zakupu)

Gradonačelnik je dužan pokrenuti instrumente obezbjeđenja plaćanja zakupa i izjavom o odustanku jednostrano raskinuti Ugovor o zakupu poslovnih prostorija i garaža ako zakupac:

- a) ne plati dvije dospelje zakupnine istekom roka od 15 dana od dana dostavljanja opomene dužan je naplatiti zakupninu iz popunjene mjenice na iznos dospjelog duga protestirati kod banaka. Deblokada računa dužnika u bankama izvršit će se naplatom cjelokupnog duga i dostavljanjem zamjenskih mjenica te nadoknadom eventualno naplaćenog iznosa zakupnine iz depozita. U slučaju više naplate od potraživanja, Grad Sarajevo će izvršiti povrat viška naplaćenih sredstava zakupcu;
- b) ne plati četiri dospelje zakupnine a po osnovu protestiranih mjenica nije došlo do naplate potraživanja, raskinuti

ugovor i kod nadležnog suda pokrenuti tužbu za naplatu potraživanja i protestirati garanciju ukoliko je obezbijedena;

- c) u roku od tri mjeseca, bez opravdanih razloga, ne otpočne obavljati djelatnost odnosno ne stavi poslovne prostorije u funkciju;
- d) izgubi pravo na obavljanje djelatnosti iz zakonom predviđenih razloga;
- e) ako da prostor u podzakup, a da za to nema pravo.

VII. PRELAZNE I ZAVRŠNE ODREDBE

Član 30.

(Ravnopravnost spolova)

Gramatička terminologija korištenja muškog ili ženskog roda u ovoj odluci podrazumijeva uključivanje oba roda.

Član 31.

(Stupanje na snagu Odluke)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1336/15
22. jula 2015. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 44. st. 1. i 2., a u vezi sa čl. 56. i 57. Zakona o pravobranilaštvu ("Službene novine Kantona Sarajevo", broj 33/08 - novi Prečišćeni tekst i broj 7/12) i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj dana 22.07.2015. godine, donijelo je

ODLUKU

**O IZMJENI I DOPUNAMA ODLUKE O OSNIVANJU
PRAVOBRANILAŠTVA GRADA SARAJEVO**

Član 1.

U Odluci o osnivanju Pravobranilaštva Grada Sarajeva ("Službene novine Kantona Sarajevo", broj 20/10), član 5. stav 2. mijenja se i glasi:

"Sjedište Pravobranilaštva je u Sarajevu, ulica Handrije Kreševljakovića broj 3, Sarajevo".

Član 2.

U članu 17. iza riječi: "diplomirani pravnik", dodaju se riječi: "ili Bakalareat/Bachelor prava sa ostvarenih 240 ECTS studijskih bodova Bolonjskog sistema studiranja".

Član 3.

Iza člana 27. dodaju se novi čl. 27a. i 27b. koji glase:

"Član 27a.

U Pravobranilaštvu postoji potreban broj stručnih savjetnika za vršenje stručnih poslova utvrdjenih ovim Zakonom

Član 27b.

Poslove stručnog savjetnika u Pravobranilaštvu može obavljati lice sa stečenom diplomom visokog obrazovanja VII stepen-diplomirani pravnik ili Bakalareat/Bachelor prava sa ostvarenih 240 ECTS studijskih bodova Bolonjskog sistema studiranja, položen pravosudni ispit i najmanje tri godine radnog iskustva na pravnom posloviu.

Stručni savjetnik pomaže Pravobraniocu, odnosno zamjeniku Pravobranioca u proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom ili uputstvinu pravobranioca, odnosno zamjenika pravobranioca obavlja druge stručne poslove predviđene zakonom".

Član 4.

U članu 36. dodaje se stav 2. koji glasi:
"Na Pravilnik iz prethodnog stava saglasnost daje Gradsko vijeće Grada Sarajeva".

Član 5.

U člani 39. dodaje se stav 2. koji glasi:
"Izmjene i dopune ove Odluke vrše se na način i po postupku po kojemu je donesena".

Član 6.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1337/15
22. jula 2015. godine
Sarajevo

Predsjedavajući
Gradskog vijeća
Suljo Agić, s. r.

Na osnovu člana 40. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj dana 22.07.2015. godine, donijelo je

ODLUKU

O IZMJENAMA I DOPUNAMA ODLUKE O
PRISTUPANJU IZRADI REGULACIONOG PLANA
"ALIPAŠIN MOST V"

Član 1.

Ovom Odlukom vrše se izmjene i dopune Odluke o pristupanju izradi Regulacionog plana "Alipašin Most V" ("Službene novine Kantona Sarajevo", broj 46/12).

Član 2.

U člani 11. Odluke o pristupanju izradi Regulacionog plana "Alipašin Most V", iza stava 2. dodaje se novi stav 3. koji glasi:
"Zabrana građenja ne odnosi se na zemljište označeno kao k.č. 4154/27 KO, Novo Sarajevo IV (novi premjer), u svrhu izgradnje skladišnog prostora, za koje će na osnovu zahtjeva načelnika Općine Novi Grad Sarajevo, Zavod za planiranje razvoja Kantona Sarajevo dati stručno mišljenje."

Dosadašnji stav 3. i stav 4. postaju stav 4. i stav 5.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1339/15
22. jula 2015. godine

Predsjedavajući
Gradskog vijeća
Suljo Agić, s. r.

Na osnovu člana 40. člana 45. stav 2. i člana 47. stav 2. alineja 1. Zakona o prostornom uređenju ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj dana 22.07.2015. godine, donijelo je

ODLUKU

O PRISTUPANJU IZRADI REGULACIONOG PLANA
"ALIPAŠIN MOST VII"

(Skraćeni postupak)

Vrsta Plana

Član 1.

Pristupa se izradi novog Regulacionog plana "Alipašin most VII" po skraćenom postupku (u daljem tekstu: Plan).

Granice područja za koje se Plan radi

Član 2.

Granica prostornog obuhvata Plana polazi od raskršća ulica Bulevar Meše Selimovića k.č. 4243 i Alije Kučukalića k.č. 3525/1, produžava u pravcu zapada idući uz ulicu Bulevar Meše Selimovića k.č. 4243 (pravac Iliđa) ne obuhvatajući je i dolazi do raskršća ulica Velika drveta k.č. 3599 i Bulevar Meše

Selimovića k.č. 4243, nastavlja na sjever idući ulicom Velika drveta k.č. 3599 koju obuhvata, zatim nastavlja u pravcu sjeveroistoka novoprojektovanom trasom Sjeverne longitudinalne (obuhvata je), a koja ide preko parcela k.č. 3577/2, 3576/2, 3576/4, 3576/1, 3575, 3578, 3571, 3570, 4218/1, 3445, 3446, 3448, 4225 (Buča Potok), 3439, 3438, 3437, 3436, 3435, 3434, 3433 i dolazi do mjesta gdje istu presijeca granica između općina Novi Grad i Novo Sarajevo, potom produžava na jugoistok idući granicom između pomenutih općina i izlazi na ulicu Bulevar Meše Selimovića k.č. 4243, tj. dolazi do mjesta odakle je opis granice obuhvata i počeo.

Sve gore navedene parcele se nalaze u KO NOVO SARAJEVO IV, Općina Novi Grad.

Površina obuhvata iznosi P=16,8 ha.

Vremenski period za koji se Plan donosi

Član 3.

Plan se donosi za period do donošenja novog plana.

Snjernice za izradu Plana

Član 4.

Plan se radi na osnovu planskih rješenja datih u "Izmjene i dopune Regulacionog plana Alipašin most VII" ("Službene novine Kantona Sarajevo", broj 14/11) koja se neće mijenjati izuzev u Zoni "C" /između Bulevara Meše Selimovića i Ulice Džemala Bijedića/ na osnovu inicijative Općine Novi Grad i iskazanog interesa investitora: "Unigradnja" d.d. Sarajevo, "Unioninvest" d.d. Sarajevo, "Aluvento" d.o.o. Sarajevo, i Šipad d.d. "Enterijeri".

Intervencije u prostoru će se vršiti u Zoni "C" čiji obuhvat polazi od tromede parcela k.č. 3615, 4140/1 i 3613/2, potom nastavlja na istok idući ulicom Džemala Bijedića k.č. 4140/1, 4139/2 (obuhvata je) i dolazi na granicu između političkih općina Novi Grad i Novo Sarajevo kojom produžava na jug u dužini od 176 m i dolazi u tačku br. I koja se nalazi na medij između parcela k.č. 4243/1 i 3525/2, a ima koordinate y=6529891, x=4856169. Granica obuhvata se lomi na jugozapad idući ulicom Bulevar Meše Selimovića k.č. 4243/1, te skreće na sjever idući ulicom Velikih drveta k.č. 3599/1 (obuhvata je) i dolazi do mjesta odakle je opis granice i počeo.

Sve gore navedene parcele se nalaze u K.O. Novo Sarajevo IV, Općina Novi Grad.

Površina obuhvata na kojem će se vršiti intervencija iznosi P=11,1 ha.

Za Zonu "C" potrebno je voditi računa o sljedećem, i to:

- izvršiti ažuriranje i vektorizaciju geodetske podloge veličine 11,1 ha u razmjeri 1:1000;
- uz geodetsku podlogu potrebno je obezbijediti podatke o posjedovnom stanju i ažurnom katastru komunalne infrastrukture;
- kroz Plan je potrebno preispitati mogućnost planiranja novih rješenja, a na osnovu inicijative Općine Novi Grad Sarajevo;
- na vlasničkim parcelama planirati objekte namjene stambeno-poslovne i poslovne;
- kroz Plan preispitati kapacitete društvene infrastrukture iz važećeg Plana i po potrebi planirati nove sadržaje i kapacitete;
- urbanističko-tehničke uslove koji se odnose na bruto građevinsku površinu objekta, spratnost/apsolutnu kotu objekta, stacionarni saobraćaj, kao i interni saobraćaj usaglasiti sa prostornim mogućnostima;
- u zavisnosti od veličine i namjene građevinskih parcela moguće je u kompoziciji planiranih objekata predvidjeti i vertikalne akcente;
- koncept planirane prostorne organizacije i planirane kapacitete treba usaglasiti sa primarnom saobraćajnom mrežom i kapacitetima primarne komunalne i energetske infrastrukture;

“Službene novine Kantona Sarajevo”, broj 33/08-Novi prečišćeni tekst

77/12 i 62/16

Na osnovu člana 18. Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 26/08) i člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst i 7/08), Zakonodavno - pravna komisija Skupštine Kantona Sarajevo, na sjednici od 3. oktobra 2008. godine, utvrdila je Novi prečišćeni tekst Zakona o pravobranilaštvu.

Novi prečišćeni tekst Zakona o pravobranilaštvu obuhvata: Zakon o pravobranilaštvu-Prečišćeni tekst ("Službene novine Kantona Sarajevo", broj 12/01), Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 20/02), Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 15/05) i Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 26/08), u kojim je naznačen dan stupanja na snagu tih zakona.

Broj 01-05-27821/08
3. oktobra 2008. godine
Sarajevo

Predsjedavajući
Zakonodavno - pravne komisije
Esad Hrvačić, s. r.

ZAKON
O PRAVOBRANILAŠTVU
(NOVI PREČIŠĆENI TEKST)

I. OSNOVNE ODREDBE

Član 1.

Pravobranilaštvo Kantona Sarajevo (u daljnjem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo (u daljnjem tekstu: Kanton).
Pravobranilaštvo vrši i druge poslove određene zakonom.

Član 2.

Pravobranilaštvo svoju funkciju vrši u skladu sa Ustavom, zakonom, drugim propisima i općim aktima.

Član 3.

Državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona radi preduzimanja pravnih radnji i sredstava za koje je Pravobranilaštvo ovlašteno.

Organi i pravna lica iz stava 1. ovog člana dužni su, na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno.

Pravobranilaštvo preduzima pravne radnje i sredstva za ostvarivanje funkcije iz člana 1. ovog Zakona i na vlastitu inicijativu.

Član 4.

Federalni i kantonalni propisi kojima se uređuje radno-pravni status državnih službenika i namještenika u organima državne službe, shodno se primjenjuju i na državne službenike i namještenike Pravobranilaštva, ako ovim Zakonom nije drukčije određeno.

Član 5.

Pravobranioocu i zamjeniku pravobranioaca izdaje se službena legitimacija. Ministar pravde Kantona propisuje obrasce i način izdavanja službene legitimacije.

Član 6.

U pravobranilaštvu su u ravnopravnoj upotrebi bosanski, hrvatski i srpski jezik i latinično i ćirilično pismo.

Pravobranilaštvo može koristiti i ostale jezike kao sredstvo komunikacije.

Član 7.

Pravobranilaštvo ima pečat u skladu sa Zakonom o pečatima Kantona.

Na zgradi u kojoj je smješteno Pravobranilaštvo mora biti istaknut naziv Pravobranilaštva sa grbom Kantona.

Sjedište Pravobranilaštva je u Sarajevu.

II. NADLEŽNOST I ORGANIZACIJA PRAVOBRANILAŠTVA

1. Nadležnost Pravobranilaštva

Član 8.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno od odredaba prethodnog stava, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Član 9.

Ako Vlada Kantona (u daljnjem tekstu: Vlada) drukčije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih interesa Kantona pred stranim sudovima, arbitražama i drugim stranim državnim organima i organizacijama.

Pravobranilaštvo može ovlastiti Federalno pravobranilaštvo da obavlja poslove u postupcima iz prethodnog stava.

Ako, po propisima strane zemlje, Pravobranilaštvo ne može neposredno zastupati pred njenim sudovima, arbitražama i drugim državnim organima i organizacijama, Vlada će ovlastiti drugo lice koje po propisima strane zemlje može da ga zamjenjuje u zastupanju.

Član 10.

Državni i drugi organi, preduzeća i druga pravna lica iz člana 9. ovog Zakona dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preduzima druge zakonom određene pravne radnje i da mu dostave svu potrebnu dokumentaciju.

Poslove zastupanja organa i pravnih lica iz člana 8. ovog Zakona Pravobranilaštvo vrši u svim sudskim postupcima i upravnom postupku, u skladu sa zakonom.

Pravobranilaštvo može zastupati državne organe koji su tuženi u upravnom sporu, ako ga oni na to ovlaste, kada je povrijeđena imovina i imovinski interesi Kantona.

Član 11.

U vršenju poslova zastupanja, Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa, koji o tome zauzima konačan stav.

Član 12.

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju pravnih radnji iz prethodnog stava, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku.

Pravobranilaštvo može zastupati i druga pravna lica, na njihov zahtjev, ako vršenje tih poslova ne utiče na blagovremeno i uspješno izvršavanje njegovih funkcija određenih zakonom.

Član 13.

Ako Pravobranilaštvo treba po zakonu da zastupa stranke čiji su interesi u suprotnosti, a jedna od njih je Kanton, a druga općina koja je poslove pravobranilaštva povjerila Pravobranilaštvu, Pravobranilaštvo neće zastupati ni jednu stranku.

U slučaju da Pravobranilaštvo treba po zakonu da zastupa stranke čiji su interesi u suprotnosti, Pravobranilaštvo neće zastupati te stranke.

U slučaju iz prethodnog stava, stranke mogu ovlastiti drugog zastupnika.

Član 14.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

Član 15.

Pravobranilaštvo pruža stručnu pomoć organima, fondovima, preduzećima i drugim pravnim licima iz člana 8. ovog Zakona u rješavanju imovinsko-pravnih pitanja i daje

mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspoložbe stvarima, odnosno materijalnim pravima.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva.

Pravobranilaštvo mišljenje iz st. 1. i 2. ovog člana daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

Član 16.

Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko- pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

Član 17.

Organi, fondovi, preduzeća i druga pravna lica iz člana 8. ovog Zakona dužni su zaključeni ugovor imovinsko-pravne prirode dostaviti Pravobranilaštvu, u roku od 15 dana od dana zaključenja ugovora.

Ako Pravobranilaštvo ocijeni da je zaključeni ugovor ništav, podnijet će tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti - tužbu za poništenje ugovora ili izmjenu ugovora.

2. Organizacija Pravobranilaštva

Član 18.

Funkciju Pravobranilaštva vrši kantonalni pravobranilac (u daljnjem tekstu: pravobranilac).

Član 19.

Pravobranilac predstavlja Pravobranilaštvo, rukovodi njegovim radom i vrši prava i dužnosti utvrđene kantonalnim zakonom, drugim kantonalnim propisom i općim aktom. Broj zamjenika pravobranioca utvrđuje Vlada na prijedlog ministra pravde Kantona.

Član 20.

Zamjenik pravobranioca vrši poslove iz djelokruga Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenja pravobranioca. Kad je pravobranilac spriječen ili odsutan, zamjenjuje ga zamjenik koga on odredi.

Član 21.

Pravobranioca i zamjenika pravobranioca imenuje, smjenjuje i razrješava Skupština Kantona.

49/16
Član 22.

Za pravobranioca i njegovog zamjenika može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima ili pravnim poslovima u drugim državnim organima, preduzećima i drugim pravnim licima, u trajanju od najmanje pet godina, koji je radeći na tim organima i pravnim licima stekao ugled pravnog stručnjaka i koji posjeduje najviše moralne osobine za obavljanje službe pravobranioca.

Član 23.

Pravobranilac se imenuje na period od četiri godine i može biti ponovo imenovan. Zamjenik pravobranioca imenuje se bez ograničenja trajanja mandata.

49/16
Član 24.

Pravobranioocu koji ne bude ponovo imenovan prestaje funkcija pravobranioca, ali mu ne prestaje radni odnos.

Pravobranilac koji ne bude ponovo imenovan, raspoređuje se na odgovarajuće poslove u Pravobranilaštvu.

Rješenje o raspoređivanju pravobranioca iz prethodnog stava, donosi Vlada, najkasnije u roku od tri mjeseca od dana prestanka funkcije pravobranioca.

Ako pravobranilac ne prihvati raspored na poslove po rješenju Vlade, prestaje mu radni odnos, po isteku 30 dana od dana donošenja rješenja.

Član 25.

Prije stupanja na dužnost pravobranilac i zamjenik pravobranioca daju svečanu izjavu pred predsjedavajućim Skupštine Kantona.

Tekst svečane izjave glasi:

"Izjavljujem da ću se u vršenju službe pravobranioca - zamjenika pravobranioca pridržavati ustava i zakona Bosne i Hercegovine, Federacije Bosne i Hercegovine i Kantona Sarajevo i da ću službu vršiti savjesno".

Član 26.

Pravobranilac i zamjenik pravobranioca dužni su čuvati svoj ugled i ugled Pravobranilaštva.

Pravobranilac i zamjenik pravobranioca ne mogu vršiti inokosnu funkciju ni biti članovi izvršnog tijela političke organizacije.

Pravobranilac i zamjenik pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

49/16
Član 27.

Pravobranioocu i zamjeniku pravobranioca služba prestaje:

- smjenjivanjem,
- u slučaju podnošenja ostavke i
- kada ispuni uslove za odlazak u penziju, propisane zakonom za državne službenike.

Član 28.

Pravobranilac i zamjenik pravobranioca će biti smijenjen od vršenja službe ako je: osuđen za krivično djelo koje ga čini nedostojnim za vršenje službe; izvršio težu povredu službe, odnosno ugleda službe; utvrđeno da kroz duže vrijeme ne postiže zadovoljavajuće rezultate i neuredno ili nekvalitetno obavlja službu; na osnovu mišljenja nadležne zdravstvene ustanove utvrđeno da je trajno izgubio radnu sposobnost.

Član 29.

U postupku smjenjivanja, pravobranioцу i zamjeniku pravobranioca omogućit će se da se izjasne o razlozima smjenjivanja.

Član 30.

Pravobranilac odnosno zamjenik pravobranioca bit će udaljen od vršenja službe ako je protiv njega određen pritvor.
Pravobranilac odnosno zamjenik pravobranioca može biti udaljen od vršenja dužnosti ako je protiv njega pokrenut krivični postupak ili postupak za smjenjivanje od vršenja službe. Odluku o udaljenju od vršenja službe pravobranioca odnosno zamjenika pravobranioca donosi premijer, na prijedlog ministra pravde Kantona.

Član 31. 44/16

Pravobranilac i zamjenik pravobranioca mogu podnijeti ostavku na vršenje službe. Pravobranilac i zamjenik pravobranioca podnose ostavku Skupštini Kantona. Pravobranioцу i zamjeniku pravobranioca prestaje vršenje službe slijedećeg dana od dana u koji je ostavka primljena.

Član 32.

Odredbe zakona o parničnom postupku i o izuzeću sudija ili sudija porotnika, koje se primjenjuju na području Kantona shodno se primjenjuju i na izuzeće pravobranioca i njegovog zamjenika.
Izuzeće pravobranioca i njegovog zamjenika ne mogu tražiti stranke.
O izuzeću pravobranioca i zamjenika pravobranioca odlučuje ministar pravde Kantona.

Član 33.

U pravobranilaštvu postoji određeni broj državnih službenika i namještenika za vršenje stručnih i administrativno- tehničkih poslova.

Član 34.

U Pravobranilaštvu postoji potreban broj stručnih savjetnika za vršenje stručnih poslova utvrđenih ovim Zakonom.

Član 35. 44/16

Poslove stručnog savjetnika u Pravobranilaštvu može obavljati lice koje ima završen pravni fakultet, položen pravosudni ispit i najmanje tri godine radnog iskustva na pravnim poslovima.
Stručni savjetnik pomaže pravobranioцу, odnosno zamjeniku pravobranioca u proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom i uputstvima pravobranioca, odnosno zamjenika pravobranioca obavlja druge stručne poslove predviđene zakonom.

Član 36.

Unutrašnju organizaciju u Pravobranilaštvu utvrđuje pravobranilac, pravilnikom o unutrašnjoj organizaciji Pravobranilaštva, po prethodno pribavljenoj saglasnosti ministra pravde Kantona.

Član 37.

Pravobranilaštvo podnosi Skupštini i Vladi Kantona izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Jedan primjerak izvještaja iz stava 1. ovog člana, Pravobranilaštvo dostavlja Ministarstvu pravde i uprave Kantona, koje dostavlja Vladi i Skupštini mišljenje o podne- senom izvještaju, sa prijedlogom zaključaka.

Izvještaj iz stava 1. ovog člana, sa mišljenjem Ministarstva pravde i uprave Kantona iz stava 2. ovog člana, Skupština razmatra najkasnije do 31. marta tekuće godine.

Član 38.

Pravilnik o poslovanju i vođenju evidencije u Pravobranilaštvu donosi ministar pravde Kantona.

3. Radno-pravni status pravobranioca i zamjenika pravobranioca

Član 39.

Koeficijent za utvrđivanje plaće pravobranioca i zamjenika pravobranioca utvrđuje Komisija za izbor, imenovanja i administrativna pitanja Skupštine Kantona Sarajevo (u daljnjem tekstu: Komisija).

Plaća pravobranioca i zamjenika pravobranioca utvrđuje se množenjem polazne osnove za obračun plaća, koja se primjenjuje na državne službenike u kantonalnim organima, sa koeficijentom iz stava 1. ovog člana i tako utvrđeni iznos uveća za 0,6% za svaku započetu godinu radnog staža, a najviše do 20%.

Položajni dodatak pravobraniocu i zamjeniku pravobranioca utvrđuje Komisija.

Član 40.

Za naknade koje nemaju karakter plaće i naknade troškova službenog putovanja pravobranioca i zamjenika pravobranioca, primjenjuju se propisi koji važe za državne službenike, s tim da procenat uvećanja dnevnice za službeno putovanje pravobranioca i zamjenika pravobranioca utvrđuje Komisija.

Nalog za službeno putovanje pravobraniocu izdaje predsjedavajući Komisije, a nalog za službeno putovanje zamjeniku pravobranioca izdaje pravobranilac.

Član 41.

Pravobranilac i zamjenik pravobranioca imaju pravo na korištenje godišnjeg odmora, na način i pod uvjetima propisanim za državne službenike, a kriterije za utvrđivanje trajanja godišnjeg odmora utvrđuje Komisija.

Član 42.

O pojedinačnim pravima pravobranioca iz radnog odnosa, utvrđenim ovim Zakonom i drugim aktima, odlučuje rješenjem Komisija.

Protiv rješenja iz stava 1. ovog člana, može se uložiti prigovor Komisiji.

Rješenje Komisije po prigovoru je konačno.

O pojedinačnim pravima iz radnog odnosa zamjenika pravobranioca, utvrđenim ovim Zakonom i drugim aktima, odlučuje rješenjem pravobranilac.
Protiv rješenja iz stava 4. ovog člana, može se uložiti prigovor pravobraniocu.
Rješenje pravobranioca po prigovoru je konačno.

Član 43.

Na prava i obaveze koje se odnose na radno-pravni status pravobranioca i zamjenika pravobranioca, koja nisu uređena ovim Zakonom, primjenjuju se propisi kojima se uređuju prava i dužnosti državnih službenika u Federaciji Bosne i Hercegovine, opći propisi o radu i kolektivni ugovori.

4. Organizacija pravobranilaštva Grada Sarajeva i pravobranilaštva općine

Član 44.

Radi zaštite imovine i imovinskih interesa Grada Sarajeva (u daljnjem tekstu: Grad), odnosno općine sa teritorije Kantona Sarajevo, osniva se pravobranilaštvo Grada, odnosno pravobranilaštvo općine.
Pravobranilaštvo Grada, odnosno pravobranilaštvo općine, osniva se odlukom Gradskog, odnosno općinskog vijeća.
Odlukom iz prethodnog stava utvrđuje se i broj zamjenika pravobranioca.
Gradsko, odnosno općinsko vijeće može vršenje poslova pravobranilaštva povjeriti Pravobranilaštvu Kantona Sarajevo.
U slučaju iz prethodnog stava, sredstva za materijalne troškove i plaće službenika koji obavljaju povjerene poslove pravobranilaštva osiguravaju se iz budžeta Grada, odnosno općine.

Član 45.

Gradskog, odnosno općinskog pravobranioca i njegovog zamjenika imenuje i smjenjuje Gradsko, odnosno općinsko vijeće, na prijedlog gradonačelnika, odnosno općinskog načelnika.
Na prijedlog gradonačelnika, odnosno općinskog načelnika, organ iz prethodnog stava odlučuje i o udaljenju od vršenja službe, o izuzeću i o ostavci gradskog, odnosno općinskog pravobranioca i njegovog zamjenika.

Član 46.

Za gradskog, odnosno općinskog pravobranioca i zamjenika pravobranioca može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje tri godine i koji posjeduje najviše moralne osobine za obavljanje službe pravobranilaštva.
Gradski, odnosno općinski pravobranilac i njegov zamjenik daju svečanu izjavu pred predsjedavajućim Gradskog, odnosno općinskog vijeća.
Tekst svečane izjave, shodno odredbama člana 24. stav 2. ovog Zakona, utvrđuje Gradsko, odnosno općinsko vijeće.

Unutrašnju organizaciju u pravobranilaštvu Grada, odnosno općine, utvrđuje pravobranilac, pravilnikom o unutrašnjoj organizaciji pravobranilaštva, po prethodno pribavljenoj saglasnosti Gradskog, odnosno općinskog vijeća. Službenu legitimaciju gradskog, odnosno općinskog pravobranioca i njegovog zamjenika izdaje gradonačelnik, odnosno općinski načelnik, odgovarajućom primjenom pravilnika o službenoj legitimaciji pravobranioca i zamjenika pravobranioca iz člana 5. stav 2. ovog Zakona.

III. SREDSTVA ZA RAD PRAVOBRANILAŠTVA

Član 47.

Sredstva za rad Pravobranilaštva obezbjeđuju se u budžetu Kantona, odnosno budžetu općine.

Član 48.

Finansijsko i materijalno poslovanje Pravobranilaštva obavlja se na način koji važi za organe državne uprave.

Član 49.

Za radnje preduzete u zastupanju pred sudovima i drugim tijelima, u slučaju iz člana 12. stav 2. ovog Zakona, Pravobranilaštvo ima pravo na nagradu i naknadu troškova, prema tarifi o nagradama i naknadi troškova za rad advokata. Sredstva koja prilikom zastupanja ostvari Pravobranilaštvo prihod su budžeta Kantona.

IV. PRIJELAZNE I ZAVRŠNE ODREDBE

Član 50.

Pravobranilaštvo osnovano u skladu sa Zakonom o pravobranilaštvu ("Službene novine Kantona Sarajevo", broj 3/97) počinje sa radom danom imenovanja pravobranioca i zamjenika pravobranioca, a najkasnije 15. jula 1997. godine. Do dana početka sa radom Pravobranilaštva, Vlada će, na prijedlog ministra pravde Kantona, uz potvrdu Skupštine Kantona, imenovati pravobranioca i zamjenike pravobranioca.

Član 51.

Općinsko pravobranilaštvo osnovat će se i početi sa radom, odnosno općina će povjeriti obavljanje poslova pravobranilaštva Pravobranilaštvu Kantona Sarajevo, u roku od tri mjeseca od dana donošenja Zakona o pravobranilaštvu ("Službene novine Kantona Sarajevo", broj 3/97). Do početka rada Pravobranilaštva iz prethodnog stava, poslove zastupanja općina sa područja Kantona, obavljat će Pravobranilaštvo Kantona Sarajevo.

Član 52.

Pravobranilac će donijeti, u roku od 30 dana od početka rada Pravobranilaštva, osnovanog u skladu sa Zakonom o pravobranilaštvu ("Službene novine Kantona Sarajevo", broj 3/97), pravilnik o unutrašnjoj organizaciji Pravobranilaštva.

Član 53.

Ministar pravde donijet će pravilnik o poslovanju i vođenju evidencija u Pravobranilaštvu.

Član 54.

Do donošenja pravilnika o unutrašnjem poslovanju Pravobranilaštva prema odredbama Zakona o pravobranilaštvu ("Službene novine Kantona Sarajevo", broj 3/97), primjenjivat će se postojeći pravilnik o unutrašnjem poslovanju Javnog pravobranilaštva grada Sarajeva, ako nije u suprotnosti sa ovim Zakonom.

Do donošenja propisa koje po odredbama Zakona o pravobranilaštvu ("Službene novine Kantona Sarajevo", broj 3/97) donosi ministar pravde Kantona, primjenjivat će se postojeći propisi, ako nisu u suprotnosti sa ovim Zakonom.

Propise za čije je donošenje po odredbama Zakona o pravobranilaštvu ("Službene novine Kantona Sarajevo", broj 3/97) ovlašten ministar pravde Kantona, donijet će se u roku od šest mjeseci od dana stupanja na snagu tog Zakona.

Član 55.

Grad Sarajevo će osnovati Pravobranilaštvo Grada, odnosno Grad će povjeriti obavljanje poslova pravobranilaštva Pravobranilaštvu Kantona Sarajevo, u roku od tri mjeseca, od dana donošenja Zakona i izmjenama i dopunama Zakona o pravobranilaštvu ("Službene novine Kantona Sarajevo", broj 8/01), do kada će poslove zastupanja Grada obavljati Pravobranilaštvo Kantona Sarajevo.

Član 56.


Na sva pitanja koja nisu posebno regulisana ovim Zakonom za Gradsko, odnosno općinsko pravobranilaštvo, odgovarajuće se primjenjuju odredbe ovog Zakona koje se odnose na Pravobranilaštvo Kantona Sarajevo.

Član 57.

U roku od 60 dana od dana stupanja na snagu Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 20/02), Gradsko, odnosno općinsko vijeće uskladit će odluke o osnivanju Gradskog, odnosno općinskog pravobranilaštva sa odredbama ovog Zakona.

Član 58.

Danom stupanja na snagu Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 26/08), prestaje primjena odredaba Zakona o plaćama i naknadama funkcionera iz oblasti izvršne vlasti i kantonalne uprave u Kantonu Sarajevo i službenika koji rukovode stručnim službama ("Službene novine Kantona Sarajevo", br. 13/99 i 28/01), koje se odnose na pravobranioca i zamjenika pravobranioca.



SLUŽBENE NOVINE

KANTONA SARAJEVO

Godina XVII – Broj 7

Ponedjeljak, 5. marta 2012. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 49. tačka c) Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 33/11), Skupština Kantona Sarajevo, na sjednici održanoj dana 05.03.2012. godine, donijela je

ZAKON

O IZMJENAMA I DOPUNI ZAKONA O PRAVOBRANILAŠTVU

Član 1.

U Zakonu o pravobranilaštvu ("Službene novine Kantona Sarajevo", broj 33/08 - Novi prečišćeni tekst) član 39. mijenja se i glasi:

Član 39.

Plaće i naknade pravobranioca i zamjenika pravobranioca utvrđuju se u skladu sa zakonom kojim se regulišu plaće i naknade u organima vlasti Kantona Sarajevo".

Član 2.

U članu 40. stav 1. briše se.

Član 3.

U članu 43. iza riječi "Federaciji Bosne i Hercegovine" dodaju se riječi: "Kantona Sarajevo, kao i".

Član 4.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-5266/12
05. marta 2012. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Na osnovu člana 18. stav 1. tačka 1. 1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 111. i člana 112. stav 1. Poslovnika Skupštine Kantona Sarajevo ("Službene novine Kantona Sarajevo" - Novi prečišćeni tekst br. 25/10, i br. 14/11 i 19/11), Skupština Kantona Sarajevo, na sjednici održanoj dana 05.03.2012. godine, donijela je

ODLUKU

O IZMJENAMA I DOPUNAMA POSLOVNIKA SKUPŠTINE KANTONA SARAJEVO

Član 1.

U Poslovniku Skupštine Kantona Sarajevo ("Službene novine Kantona Sarajevo - Novi prečišćeni tekst, br. 25/10, 14/11 i 19/11) u članu 26. u stavu 3. broj "1/3" zamjenjuje se brojem "3", i u istom stavu riječi "ukupnog broja članova tijela" brišu se.

U članu 26. iza stava 4. dodaje se novi stav koji glasi:
"Vanjski članovi ne mogu biti predsjedavajući komisija".

Član 2.

U članu 35. stav 1. u alineji 6. iza riječi "obrazovanje" briše se "zarež" i stavlja riječ, "i", iza riječi "nauku" briše se "zarež" i riječi "kultura i sport".

U članu 35. u stavu 1. iza alineje 17. dodaje se nova alineja i glasi:

"Komisija za kulturu i sport"

Član 3.

U članu 37. u stavu 1. iza alineje 6. dodaje se nova "alineja 7." i glasi:

"daje saglasnost na normativne akte Službe za skupštinske poslove Skupštine Kantona Sarajevo".

Član 4.

U članu 41. u stavu 1. iza riječi "obrazovanje" briše se zarez, a iza riječi "nauku" briše se "zarež" i riječi "kulturu i sport".

U članu 41. u stavu 1. brišu se "alineje 3. i 4".

Član 5.

Iza člana "52 a." dodaje se član "52 b" i glasi:

Član 52 b.

Komisija za kulturu i sport:

- razmatra stanje kulture i sporta i daje mišljenje i prijedlog Skupštini Kantona Sarajevo i resornom ministarstvu za unapređenje kulture i sporta u Kantonu Sarajevo,
- razmatra pitanje strategije finansiranja institucija kulture i sportskih organizacija na nivou Kantona, u cilju njihovog razvoja i efikasnijeg djelovanja i o tome daje mišljenje i prijedlog Skupštini i resornom ministarstvu,
- razmatra prijedloge o održavanju kulturnih i sportskih manifestacija u Kantonu Sarajevo od značaja za Kanton,
- razmatra pitanje i daje mišljenja i prijedloge za razvoj i unapređenje objekata kulture i sporta



SLUŽBENE NOVINE

KANTONA SARAJEVO

Godina XXI – Broj 44

Četvrtak, 3. novembra 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 26.10. 2016. godine, donijela je

ZAKON

O IZMJENAMA I DOPUNAMA ZAKONA O PRAVOBRANILAŠTVU

Član 1.

U članu 3. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst i broj 7/12) dodaju se novi st. 4, 5. i 6. koji glase:

"Kada Pravobranilaštvo mora postupati u propisanom zakonskom roku, organi i organizacije iz st. 1. i 2. ovog člana dužni su da pravobranioocu neodložno dostave spise i obavještenja, odnosno pruže podatke i objašnjenja koja Pravobranilaštvo traži.

Ako zbog nepostupanja, odnosno neblagovremenog postupanja organa i organizacija iz st. 1. i 2. ovog člana nastupi šteta za Kanton Sarajevo ili druge subjekte koje zastupa, Pravobranilaštvo o tome obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pričinjene štete."

Član 2.

U članu 10. iza stava 3. dodaju se novi st. 4. i 5., koji glase:

"Ukoliko pravomoćnom presudom bude utvrđen nezakonit rad ili odluka zastupanog organa ili organizacije, Pravobranilaštvo o tome obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti za nezakonit rad ili nezakonitu odluku.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 3.

U članu 11. stav 2. iza riječi: "Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa" stavlja se tačka, a ostali dio teksta briše se.

Dodaje se stav 3. koji glasi:

"Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa."

Član 4.

U članu 15. dodaje se novi stav 3. koji glasi:

"Organi i pravna lica iz stava 1. ovog člana dužni su pribaviti saglasnost Skupštine Kantona prije zaključenja ugovora imovinsko-pravne prirode iz stava 2. ovog člana, u skladu sa Ustavom Kantona i zakonom, a ukoliko na te ugovore nije pribavljeno pravno mišljenje Pravobranilaštva, Skupština ih neće ni razmatrati, odnosno odbiće davanje saglasnosti."

U dosadašnjem stavu 3. na kraju teksta tačka se briše i dodaju riječi: "niti saglasnosti Skupštine Kantona."

Dosadašnji st. 3. i 4. postaju st. 4. i 5.

Iza stava 5. dodaju se novi st. 6. i 7., koji glase:

"O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 5.

U članu 22. iza riječi: "diplomirani pravnik", dodaju se riječi: "ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja," a iza riječi: "pet godina", dodaju se riječi: "nakon položenog pravosudnog ispita".

Član 6.

U članu 24. st. 2. i 3. mijenjaju se i glase:

"Pravobranilac koji ne bude ponovo imenovan, raspoređuje se na mjesto zamjenika pravobranioca, ukoliko je upražnjeno, a ako nije, raspoređuje se na mjesto državnog službenika u Pravobranilaštvu ili drugom kantonalnom organu u skladu sa svojim stručnim kvalifikacijama.

Rješenje o raspoređivanju pravobranioca na mjesto zamjenika pravobranioca donosi Skupština Kantona, a na mjesto državnog službenika Vlada, najkasnije u roku od tri mjeseca od dana prestanka funkcije pravobranioca."

U stavu 4. riječ "Vlade" zamjenjuje se riječima: "iz prethodnog stava ovog člana".

Član 7.

Član 27. mijenja se i glasi:

Član 27.

Pravobranioocu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz st. 1. i 2. ovog člana, donosi se odluka o razrješenju."

Član 8.

U članu 31. stav 3. mijenja se i glasi:

"Pravobranioocu i zamjeniku pravobranioca prestaje vršenje službe danom razrješenja zbog podnesene ostavke, a najkasnije u roku od 30 dana od dana podnošenja ostavke."

Član 9.

U članu 35. stav 1. na kraju stava tačka se zamjenjuje zarezom i dodaju se riječi: "nakon položenog pravosudnog ispita."

Član 10.

Iza člana 36. dodaju se novi čl. 36a. i 36b., koji glase:

Član 36a.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravnčkog staža, pripravnici upućuju na praktičan rad u općinske i kantonalne sudove.

Član 36b.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Odredbe ovog zakona koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa."

Član 11.

U članu 45. stav 1. iza riječi: "imenuje", veznik "i" zamjenjuje se zarezom, a iza riječi: "smjenjuje" dodaju se riječi: "i razrješava".

Član 12.

U članu 46. stav 1. iza riječi: "diplomirani pravnik", dodaju se riječi: "ili Bakalaureat/Bachelor prava sa ostvarenih 240 ECTS

studijskih bodova Bolonjskog sistema studiranja," a nakon riječi: "tri godine", dodaju se riječi: "nakon položenog pravosudnog ispita".

Član 13.

Iza člana 57. dodaje se novi član 57a. koji glasi:

Član 57a.

U roku od 60 dana od dana stupanja na snagu ovog zakona, Gradsko, odnosno općinsko vijeće uskladit će odluke o osnivanju Gradskog, odnosno općinskog pravobranilaštva sa odredbama ovog Zakona."

Član 14.

(Stupanje sa snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-31291/16
26. oktobra 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu čl. 17. i 21. stav (1) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15) i čl. 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst), Skupština Kantona Sarajevo, na sjednici održanoj dana 19.10.2016. godine, donijela je

ODLUKA

**O DAVANJU SAGLASNOSTI ZA OSNIVANJE
ODSJEKA ZA EDUKACIJU I REHABILITACIJU NA
PEDAGOŠKOM FAKULTETU UNIVERZITETA U
SARAJEVU**

I

Daje se saglasnost za osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu, u skladu sa priloženim Elaboratom.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-30570/16
19. oktobra 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

ELABORAT

**o opravdanosti osnivanja Odsjeka za edukaciju i
rehabilitaciju**

Uvod

Obrazovana radna snaga predstavlja suštinski preduvjet ekonomskog razvoja države. Najnaprednije i najbogatije države svijeta imaju najbolje obrazovne sisteme. Pravo na obrazovanje utvrđeno je Ustavom Bosne i Hercegovine. Finansijska sredstva alocirana u obrazovne svrhe nisu dovoljna. Stručno obučavanje predstavlja ključni preduvjet za ekonomski razvoj jedne zemlje i smanjenje stope nezaposlenosti i siromaštva.

Ovim elaboratom se uzeo u obzir veliki značaj raspoloživih kvalificiranih i kompetentnih stručnih kadrova iz oblasti edukacije i rehabilitacije osoba sa teškoćama u razvoju, kako bi se povećao broj kvalificiranih kadrova specifičnih za educiranje i rehabilitaciju, kao i njihovo uključivanje u aktuelnu reformu visokoškolskog sistema obrazovanja.

Osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu dalje polazi od premise da visoki kvalitet u ovoj oblasti može da se realizira visokokvalitetnim obrazovanjem i usavršavanjem stručnih kadrova na svim nivoima. Visoki kvalitet obrazovanja i usavršavanja postiže se veoma dalekosežnim integriranjem formalnih i neformalnih kvalifikacionih mjera potrebnih za